


張英傑著

躡雲樓詩稿

木希居士題



第三輯



## 作者張英傑簡介

張英傑，一九五一年生於馬來西亞怡保市，祖籍廣東蕉嶺，自幼居霹靂洞名勝，隨其先父仙如居士學詩，並拜易君左，劉太希，李冰人諸前輩為師，專攻詩詞駢文，詩境雄豪，兼具婉雅、艷麗、清新，頗有大杜、小杜、大李、小李之風格。至其書法，初隨李天聲學習，臨摹李北海、王羲之，文徵明之法帖，走筆如行雲流水，廿餘年間受邀參加國際書法展，展出之作品，皆書其詩作，或自製聯語，可謂詩書並妙，有詩壇才子之譽。由七十年代至二零零三年代，偕其弟韻山畫家曾在怡保、檳城、台北、高雄、台中、南京、杭州、成都舉行兄弟之詩書畫聯展，名揚海內外。現任大馬名勝霹靂洞主持，中山文物館館長，大馬詩詞研究總會顧問，台北中華詩學會海外特派員，全球漢詩學會駐馬副會長。

編者

張英傑攝於霹靂洞中山文物館



文榮博士教正

張英傑敬啟

二〇〇九年七月三日

聶雲樓詩稿

第三輯

儒賢張君英傑世居馬來西亞自少  
及長篤守中華文化思盡揚而充  
大之誠實副其名為英傑也君家  
居南洋名懷霹靂洞終年與奇  
山靈窟相對故其為詩有以懷  
麓工想見長亦有以警奇秀逸  
見長者放翁詩云君能洗盡世間  
念何更棲臺臺月明英傑於華

國立政治大學用箋

世序趨榮利中清介自持天真坦  
蕩以詩明志所作多一片神行純乎  
天籟以云人倚江山歌錦繡天教詞  
筆揮雲霞岫雲舒卷古今古  
人海浮沈有潮回天南雁影隨雲  
影海北秋聲挾徵聲等句美不  
勝舉慨乎中國歷徧滄桑文采風  
流江河日下而薪火所傳多散居海

外、英傑詩如曠夷、而夏樂愛憎、  
如終恬守中邦、文化忠厚仁恕之  
境、采風敷華、貢獻至宏、甚望  
於海外、集合集、商博文之士、廣  
研詩友、則所成就、當不僅限於  
詩篇之傳世也、戊辰十月劉永希



# 躡雲樓詩稿序

桂冠詩人李冰人博士

吾友蕉嶺才子張英傑，與余交契忘年，兼有一日之雅。日前，張君突自駕車來隆相訪。見面后他將其手鈔吟作躡雲樓詩稿遞了給我，並對我說：他已接受承印詩集的印刷商，詩稿將先交承印商付排。至於卷首，他要請我也撰一篇序文，字數約一千字左右。關於學詩、寫詩和編詩，他已有廿五年的經驗。他雖年逾不惑，卻一向就喜歡上詩，不但喜讀前人的選集，更喜愛寫作及和韻。碰上良辰社日，大夥子更喜歡聯吟。蕉嶺與梅州兩郡，原是粵省詩教最爲蒼萃的地方。在有清時代，嶺南的詩人如黃香鐵（以寫落葉詩見著的）丘逢甲，以及梅州的宋芷灣、黃遵憲等，都是粵省客家的精英。根據梅水詩傳的統計：詩傳卷中的詩作者共爲三百零八人。加上後十年再出版的「續梅水詩傳」之「遺珠」合計，共爲四百零八人。在這麼濟濟詩群，琅琅詩聲的環境化育下：所謂「物華天寶，人傑地靈」交相輝映，衝激的環境裏面。這於今日科技昌明發達之際，張君反以其聰穎俊秀，化作詩聲靈籟；發揚蕉嶺前賢之軌迹，從事詩賦的精研，說非資質天授？誰敢否認抹煞！

張君於詩，自少就耽於學習，並勤於閱讀和寫作，故進步神速，一日千里。許久以來，他就喜歡出國參加鄰邦的吟唱活動，諸如印尼、新、泰、菲、港、台等國；履痕、鉢韻，到處傳播。也因此贏得各國詩侶之見重。現任台灣台北中華詩學社撰述委員、台北春人詩社社員。全球漢詩詩友聯盟會特刊主編及駐馬副會長等職。這次他興高采烈，百里親送詩稿。其一種熱烈維護華族文化，更是令人敬佩。

中華民國八十二年八月中浣寫於大馬都門

躡雲樓詩稿三集序



往者丙寅之春張高懷君於其寓所有文法之約在衣冠裙笈中得識馬東張英傑僑賢瀟湘相談甚歡此為余識英傑之始也。

英傑祖籍粵之蕉嶺雖居馬來仍心懷祖國篤守中國文化因而耽於吟詠以中素志歷十數年未舉凡台北詩壇集會枚不暇赴約今歲己卯春三月春人詩社於台北教師會館雅集英傑一仍故準時蒞臨席次告余曰：其躡雲樓詩稿三集將印刊行願余弁言。

因憶以蘇北如皋名詩人冒廣生為粵南吳天序詩稿有云：

詩之為道，天一人亦一，觀乎王右軍所謂風世論，問者  
其生殆有自來，而其成就之淺深，為下端視其中較與否，  
未有自少及老，鏤而不舍，而不亨，盛名垂世者也。準乎此，吾  
觀吳傳幼承庭訓，長就名師，達於海內，即景操觚，已  
見吐雅潤之獨能，挹清芬於希有，光彩常新，庸言洗  
盡，允再計日蒞次，坦登道岸，可預期也。是為序。

中國文化大學華文系教授

國史館特約纂修

方子丹



中華民國八十八年歲次己卯清和月

# 自序

張英傑

自幼生長于怡城，潛修于古洞，性耽山水，室擁琴書，寄迹名山，忘懷俗慮，望岫雲之舒卷，仰壁畫之莊嚴，騷客譽爲南島敦煌，善人稱爲西方驚嶺，朝聞佛偈，夜聽鐘聲，愛此雲林，別具詩情畫意，聽其天籟，無非谷韻泉聲，逸興彌增，吟情遂起。然而，慈父仙翁，精于韻律，得以薪傳，恩師冰老，學貫漢唐，授之堂奧，由是發情而述志，閱世而興懷，挾吟旆而遠遊，涉異邦而浩唱，萬方結客，四海盟鷗，揚大漢之天聲，振中華之詩教。

興至攬勝尋幽，吟懷放蕩，臨風把酒，逸興遄飛，幾人寄傲湖山，獨我渾忘歲月。可奈傷時感世，弔古嗟今，有如王粲登樓。看禾黍離離之慨，杜陵憂國，嘆滄桑處處之悲。偶從方外尋詩，聽啁音而悟道，寰中歷劫，離塵俗而耽禪。至若詩詠無題，情如小杜，緣慳有夢，況似義山，豈不宜乎。

一卷輯成，萬言已賦，才難吐鳳，筆待生花，望翰海之茫茫，豈能躊躇，看風雷之蕩蕩，欲比雄渾。

躡雲樓詩稿第三輯目次

劉太希教授序

桂冠詩人李冰人博士序

方子丹教授序

自序——張英傑

七言絕句

閒吟四絕次黃晚香博士原韻

幽居

向晚

遠眺

書懷

張弓作家鍾情怡保山水賦句以贈

賦贈夏振基詞長

賦贈陳雁白作家

奉題李淑蓮畫家佳作二首

石楠花

水仙

題韻山弟佳作

高山流水圖

竹林隱讀圖

題李淑蓮佳作

蘭花

辛夷花

龍頭巖賞荷

題躡雲樓畔老松

月出高山

霹靂洞半山三聖殿前老榕乃先嚴仙如居士手栽小憩于此即詠

母親節感懷

詠竹

檳江夜雨即景

月圓之夜寄懷

題韻山弟畫秋林覓句圖

題李淑蓮畫家瀾橋送別圖

遠望萬莊臺

遠望花雨亭

酒廊聽鄧麗君歌曲五首

韻山弟寫春山觀瀑圖題句

李淑蓮畫家寫菊題句

飛渡北京

天安門。

萬里長城

十三陵。

故宮·

天壇·

頤和園

避暑山莊

賦贈北京吳際先生

蘆溝橋。

小不達拉宮

景山公園

北海公園

大鐘寺。



北京訪許溶烈博士未遇

賦贈北京王義先生

贈別四川吟侶

北京返馬感賦

奉和香港黃坤堯教授贈詩原韻

台北江沛詞長大著逸樓吟稿付梓謹次其自嘲原韻以賀

曉日登山遇雨口占

檳城海畔對飲賦贈諸君子

再疊前韻

賦賀廣東省茂名市孔昭順美術館開幕

賦贈墨爾本江榮基陳繼偉先生

癸未新年展望次何建才詞長原韻

李淑蓮畫家佳作題句：松鶴圖／秋景圖

成都洛帶鎮與舍弟韻山舉行詩書畫展

都江堰二王廟

樂山大佛

遂寧廣德寺

遂寧靈泉寺

金華山謁陳子昂讀書臺

一二

峨眉山萬年寺禮大行普賢菩薩

一二

眉山三蘇祠

一三

砂勞越張氏公會落成主辦第二屆世界懇親大會暨世界總會成立囑題

一三

李淑蓮畫家寫春江泛棹圖題句

一三

賦贈溫惠儀畫家

一三

李淑蓮畫家寫梅鶴圖題句

一三

賦贈周玉瑩畫家

一三

賦贈郭晴巖畫家

一四

賦贈陳陽熙畫家

一四

和答黃煜南詞長

一四

賦贈李德超教授

一四

張鶴詞長著白翎詩草聯選奉題

一四

賦贈鍾正山畫師

一四

韻山弟寫靈猴獻果圖

一五

韻山弟寫紅毛丹樹戲群猴

一五

賦贈拿督黃家泉先生

一五

賦贈海外吟侶

一五

|                |    |
|----------------|----|
| 贈別             | 一五 |
| 賦贈張弓作家         | 一五 |
| 深圳行賦贈諸君子       | 一六 |
| 深圳贈別           | 一六 |
| 重訪詩巫           | 一六 |
| 鵝江遠眺           | 一六 |
| 古田公園           | 一六 |
| 中華文化館          | 一六 |
| 石山公園           | 一七 |
| 伊班長屋           | 一七 |
| 賦贈四川李正武畫家      | 一七 |
| 賦贈四川遂寧市鄧新民先生   | 一七 |
| 檳城夜飲聽曲次毛谷風詩家原韻 | 一七 |
| 中華國花頌          | 一七 |
| 韻山弟寫竹題句        | 一八 |
| 蔣子健詞長著西園詩輯奉題   | 一八 |
| 題美國蒙大那州景色      | 一八 |
| 高雄愛河即景         | 一八 |

韻山弟寫雄雞

群雛覓食圖

賦贈新加坡曾慶昌畫家

路過潮汕

澹浮文物院

知魚橋

韓江橋

開元寺

韓文公祠

彩虹橋

景德鎮

如琴湖

白居易草堂

題黃龍寺

廬山仙人洞

琵琶亭

乙酉中秋雅集張韻山葉兆熊顏于晃高一貴合繪巨作題句

賦贈大馬詩總會長何建才先生

一一  
一一  
一一  
一一  
一〇  
一〇  
一〇  
一〇  
一〇  
一〇  
一九  
一九  
一九  
一九  
一九  
一九  
一八  
一八

賦贈四川李正武畫家

寄遠

回鄉感賦

長潭遠眺

鎮山公園瞻仰丘逢甲銅像

逢甲大橋

謝晉元紀念館

遊梅州千佛塔呈明慧住持

陰那山靈光寺

雁南飛茶園渡假村

賦贈趙莉主任

毛谷風詩家邀往參觀深圳赤灣左炮臺

徐持慶詞長於廣州南園酒家招飲

訪赤崗趙莉主任未遇

賴甲貴詩翁九一生辰感賦次韻奉賀

二四

二三

二三

二三

二三

二三

二三

二二

二二

二二

二二

二二

二一

二一

# 五言律詩

賦贈新加坡淳于汾詞長

賦贈新加坡李庭輝詞長再疊前韻

賦贈新加坡黃松齡詞長三疊前韻

台北摯友惠贈孫中山先生瓷像感賦

霹靂洞摩壁鐫張大千大師墨蹟美景十分

霹靂洞摩壁鐫溥心畬大師墨蹟菩提世界

讀張大千溥心畬大師書畫詩賦

怡保龍頭巖紀遊

寄懷

己卯新春感賦

賦贈黃晚香博士

賦贈李若冰先生

賦贈李明芳道長

寄懷

檳城海畔酒座聽歌

有贈

三 三 三 三 三 三 三 三 三 二 二 二 二 二 二 二 二 二  
一 一 一 一 〇 〇 〇 〇 〇 九 九 九 九 九 八 八 八 八

|                   |    |
|-------------------|----|
| 遊中和鄉圓通寺           | 三一 |
| 瞻仰台北國父紀念館旁于右任元老銅像 | 三二 |
| 旅台贈別吟侶            | 三二 |
| 新加坡同德書報社九十週年紀念    | 三二 |
| 庚辰清明              | 三二 |
| 賦贈香港陳晚華學長南遊       | 三二 |
| 賦贈吳超亮詞兄           | 三三 |
| 賦贈黃月鳳吟友           | 三三 |
| 贈別故人              | 三三 |
| 庚辰七夕寄懷            | 三三 |
| 詩巫鵝江詩書協會成立        | 三三 |
| 登霹靂洞絕頂            | 三四 |
| 題張大千與張仙如合影        | 三四 |
| 登萬里望升旗山           | 三四 |
| 登金馬崙高原            | 三四 |
| 遊怡保崑崙巒勝地          | 三四 |
| 古亭送別              | 三五 |
| 寄懷                | 三五 |

辛巳清明拜墓

三五

敬輓潘清持詩翁

三五

中華民國駐聖克里斯多福張大使小月凱歸

三五

登霹靂洞絕頂

三六

賦贈故交

三六

過吉隆坡賦呈諸君子

三六

訪郭五峰詩翁

三六

題韻山弟佳作騎驢覓句圖

三六

梁振康畫家假寶兆遠藝展

三七

與李若冰先生論中華近代史

三七

讀譚雪影詩友芳園吟草

三七

賦贈中華國際文化藝術交流協會理事長孔昭順先生

三七

題陳玉群畫家寫桃花

三七

寄懷

三八

檳城黃逸鳳得民姐弟來訪

三八

賦贈賴甲貴詩翁

三八

父親節感懷

三八

賦贈台北李德超教授

三八

賦贈台北區靜飛教授

三九

寄懷海外知音

三九

檳城藝術協會成立四十八週年

三九

鄧璧柏蔚鵬詩書家題聯贈霹靂洞

三九

新秋寄懷海外故交

三九

美軍懲兇二首

四〇

重訪新竹承孔昭順先生暨諸君子招飲

四〇

蔣子健吟友著西園吟草奉題

四〇

壬午清明感懷

四〇

春興

四一

旅台賦贈諸吟侶

四一

台北詩友招飲賦呈乞正

四一

四川高華蓉詩友將重遊馬國賦此以迎

四一

送別

四一

賦賀中央研究院嶺南美術館開幕

四二

檳城關堤雅集有懷海外詩友

四二

朱昌雲詞長逝世一週年祭

四二

賦贈李多福詞長

四二

登峨眉山金頂

四二

登青城山

四三

陳玉群畫家寫古松題句

四三

寄懷四川詩友

四三

雨後登山口占一首

四三

賦贈溫惠儀畫家

四三

送徐持慶詞長入廣州暨南大學修碩士學位

四四

深圳仙湖公園

四四

衛塞節感懷

四四

遊檳城極樂寺次毛谷風詩家原韻

四四

秋日訪天師府

四四

象鼻山題句

四五

登廬山含鄱口

四五

白鹿洞

四五

登滕王閣

四五

賦呈台北秦孝儀夫子

四五

寄懷

四六

丙戌清明拜墓

四六

|                           |    |
|---------------------------|----|
| 初夏廣州深圳之行                  | 四六 |
| 謁深圳赤灣天后宮                  | 四六 |
| 珠江夜遊感賦                    | 四七 |
| 遊古晉青山巖                    | 四七 |
| 孫穗芳博士主張解決兩岸紛爭宜行一國良制實踐三民主義 | 四七 |
| 賦贈陳煥儀律師作家                 | 四八 |

## 七言律詩

|                                |    |
|--------------------------------|----|
| 丁丑冬至與張君登雲頂高原                   | 四九 |
| 遊雲頂蓬萊仙境清水巖用前韻                  | 四九 |
| 戊寅新春感賦願與全民共勉                   | 四九 |
| 戊寅新春感懷                         | 四九 |
| 戊寅孟春旅台賦呈諸詞長教正                  | 五〇 |
| 台北中華學術院詩學研究所成立卅週年紀念雅集恭和馬鶴凌詞長原韻 | 五〇 |
| 賦贈馬鶴凌詞長                        | 五〇 |
| 賦贈陳慶煌教授                        | 五〇 |
| 賦贈中華民國駐聖克里斯多福大使張小月女史           | 五一 |
| 檳城鶴山詩社諸詞長招飲賦呈一首                | 五一 |

四月清和好賦詩

五一

抒懷次陳志仁原韻

五一

戊寅詩人節感懷

五一

謹祝馬英九博士競選台北市長成功

五一

陳慶煌教授五十初度感賦依韻奉和

五二

賴侃平賴甲貴潘清持羅濟賢陳良鐘諸詞長來訪賦呈一首

五二

賦贈檳城鶴山詩社孫德欽社長

五二

檳城鶴山詩社訪問團蒞訪怡保霹靂洞暨山城詩社喜賦

五二

馬英九博士參選台北市長次鄧璧詞長原韻

五三

檳城鶴山詩社成立大會感賦

五三

賦贈誼妹劉恩齊畫家

五三

謹次陳瑞祥詩家七五生朝感賦原韻

五三

菲律賓王宏榜先生令萱堂九秩晉三悅辰賦賀

五三

山居寄懷

五四

奉題台北中興山莊

五四

霹靂洞摩壁重鐫于右任丁治磐梁寒操易君左墨蹟感作

五四

檳城藝術協會詩詞組戊寅七夕雅集次周子善詞長原韻

五四

台北詩人郭湯盛于深圳辭世詩以悼之

五五

|                         |    |
|-------------------------|----|
| 黃鸞女史贈詩依韻奉和              | 五五 |
| 檳城鶴山詩社卅週年社慶             | 五五 |
| 與友訪檳城                   | 五五 |
| 檳城植物園                   | 五五 |
| 檳城極樂寺                   | 五六 |
| 雲頂高原夜話                  | 五六 |
| 送別                      | 五六 |
| 台北國立故宮博物院舉辦張大千畢加索大師作品聯展 | 五六 |
| 戊寅中秋感懷                  | 五六 |
| 謁台北龍山寺                  | 五七 |
| 憑弔筠園鄧麗君小姐墓              | 五七 |
| 遊墾丁國家公園                 | 五七 |
| 遊鵝鸞鼻公園                  | 五七 |
| 馬英九博士當選台北市長賦賀           | 五七 |
| 詠竹                      | 五八 |
| 再憑弔筠園鄧麗君小姐              | 五八 |
| 徐持慶詞長六十抒懷次韻             | 五八 |
| 寄懷加拿大文疊山詩家              | 五八 |

敬悼檳城鶴山詩社社務顧問陳瑞祥詩翁

五九

讀王光國詩翁遺作感賦

五九

恩師李冰人博士逝世三週年祭

五九

方大詞宗子丹先生九秩榮慶次龔嘉英詩家原韻

五九

前中華學術院詩學研究所所長張定成先生七秩榮慶賦賀

五九

迎廿一世紀

六〇

台北與諸友雅集感賦

六〇

陽明山賞春

六〇

敬悼詩書名家潘受先生

六〇

清明登山拜祭先父母

六〇

山城詩社第六屆理事就職並舉行春宴雅集

六一

北上檳州途中得句

六一

寶島長春

六一

題霹靂洞前雅石

六一

初夏寄懷

六一

己卯詩人節感賦

六一

和答黃晚香博士

六一

賦贈妙華堂主人梁振康畫家藝展

六一

敬悼鶴山詩社孫德欽社長

六二

山居寄懷

六二

敬悼香港曾后希畫師

六三

過檳城極樂鄉弔陳瑞祥詞長

六三

題檳威大橋

六三

登檳城升旗山

六三

海峽兩岸紛爭感賦

六三

賦贈鶴山詩社諸吟侶

六四

讀郁達夫詩鈔感賦

六四

哀台灣地震

六四

己卯中秋感賦次張白翎詞長原韻

六四

張白翎詞長八四初度依韻奉賀

六四

己卯雙十節感賦

六五

賦贈陳開蓉畫家

六五

大馬詩總己卯重陽雅集

六五

檳城藝協詩詞組成立廿七週年紀念次周子善主任原韻

六五

高山流水

六五

賦贈楊善深畫師

六六

廖一瑾博士編著台灣詩史

六六

賦贈江蘇省李金良畫家

六六

寄懷台北春人詩社廖從雲社長

六六

寄懷

六六

千禧元旦

六七

世界各國博物館珍藏歐豪年教授作品閱後喜賦

六七

賦贈霹靂州行政議員拿督黃家泉居士

六七

賦贈周慶芳博士

六七

庚辰新春感賦

六七

檳城鶴山詩社庚辰元宵雅集

六八

登極樂寺瞻仰百尺觀世音像

六八

登霹靂洞山頂萬莊臺

六八

旅台二首

六八

國民黨政權痛失感懷

六九

國府遷台五十年感賦並柬全球同志共勉

六九

賦賀光華日報九十週年紀念

七〇

偶成

七〇

哦詩爭起萬人吟

七〇

|                       |    |
|-----------------------|----|
| 泰京林耀畫家吉隆坡藝展           | 七〇 |
| 陳光師書畫家逝世十週年祭          | 七〇 |
| 賦贈拿督余智瑞詞長             | 七一 |
| 過檳城訪舊並呈黃晚香博士          | 七一 |
| 賦贈呂佳珍畫家               | 七一 |
| 庚辰中秋前寄懷               | 七一 |
| 古晉行四首                 | 七一 |
| 霹靂洞鐘樓落成紀念丹斯里拿督阿瑪黃文彬先生 | 七二 |
| 題霹靂洞鐘樓鼓樓              | 七二 |
| 蔡念因詞長八七生朝遣懷次韻賦賀       | 七三 |
| 蔣子健吟友贈詩依韻和答           | 七三 |
| 賦贈沙巴拿督林源意詞長           | 七三 |
| 寄懷詩巫程光利詞長             | 七三 |
| 暮秋偶感次譚雪影原韻            | 七三 |
| 奉題梁振康藝術作品集            | 七四 |
| 劉作雲詞長七十抒懷次韻賦賀         | 七四 |
| 山中曉景寄詠                | 七四 |
| 遊龍頭巖賦贈李明芳主持           | 七四 |

辛巳新春感賦

七五

觀賞歐豪年大師神州寫生傑作

七五

謁中正紀念堂感賦

七五

台北國父紀念館展覽岳武穆書出師表閱後感賦

七五

台北國父紀念館展覽永樂宮勝蹟壁畫

七五

有贈四首

七六

衛塞節感賦

七六

衛塞節適逢陽曆弧辰感賦

七七

懷念愛國詩人易君左教授

七七

登檳城阿逸依淡水壩

七七

李德超教授題霹靂洞次韻和答

七七

敬悼黃礪溪詞長

七七

登霹靂洞絕頂萬莊臺花雨亭

七八

賦贈許崢嶸詩翁

七八

馬來西亞詩詞研究總會成立廿六週年暨第廿七屆全國詩人辛巳重陽雅集

七八

辛巳重九南馬金山雅集

七八

賦贈台北黃磊生教授

七九

夢迴二首

七九

|                                  |    |
|----------------------------------|----|
| 秋雨寄懷海外知音                         | 七九 |
| 壬午新春寄懷海內外知友                      | 七九 |
| 不才當選馬來西亞詩詞研究總會會長劉作雲蔣子健詞長賦詩致賀次韻以答 | 八〇 |
| 台北教師會館雅集賦呈座上諸君子                  | 八〇 |
| 過檳城賦贈鶴山詩社諸君子                     | 八〇 |
| 檳城鶴山詩社壬午新春雅集                     | 八一 |
| 敬悼朱昌雲詞長                          | 八一 |
| 竺摩恩師上人圓寂輓詩                       | 八一 |
| 羅濟賢詞長八十初度依韻奉和                    | 八一 |
| 歲暮感懷                             | 八一 |
| 謁台北臨濟禪寺追思白聖上人                    | 八二 |
| 台北市大同國中校園晨運偶成                    | 八二 |
| 全球漢詩總會第八屆壬午新加坡詩詞吟誦與研討大會          | 八二 |
| 壬午詩人節感賦                          | 八二 |
| 慶祝台北春人詩社成立五十週年                   | 八二 |
| 登霹靂洞絕頂                           | 八三 |
| 高君來怡重遊                           | 八三 |
| 與高君作檳島之行                         | 八三 |

檳城藝術協會會長許偉乾先生壬午鑽婚喜賦次韻以賀

八三

劉作雲詞長大著各領風騷數百年奉題

八三

女詩人朱玫茵書法個展次林壽山詞長原韻

八四

台北李德超教授與廣州陳強主任率文化訪問團蒞臨賦此以迎

八四

壬午重陽霹靂洞登高感賦

八四

檳城孫中山先生博物館研究中心落成感賦

八四

檳城藝協詩詞組壬午重陽雅集次周子善主任原韻

八五

壬午重陽登霹靂洞山頂萬莊臺次徐持慶詞長原韻

八五

再疊前韻寄懷

八五

劉恩齊畫家藝展

八五

賦贈陳開蓉畫家

八六

檳城尋夢園酒廊對飲

八六

寄懷

八六

壬午歲暮感懷

八六

吳超亮詞長贈詩奉和原韻

八六

台北林壽山畫家六十初度奉和

八七

寄懷

八七

癸未新春感賦

八七

|                        |    |
|------------------------|----|
| 癸未人日抒懷次陳素霞女史原韻         | 八七 |
| 台北春人詩社廖從雲社長米壽述懷奉和原韻    | 八七 |
| 成都市國際桃花節余與舍弟韻山受邀舉辦詩書畫展 | 八八 |
| 癸未元宵感懷                 | 八八 |
| 九日登高憶故鄉                | 八八 |
| 檳城鶴山詩社主辦癸未秋宵全國詩人雅集     | 八九 |
| 孔聖誕辰感賦並呈諸詞長正和          | 八九 |
| 敬悼黃晚香博士                | 八九 |
| 台北陳慶煌博士令慈仙逝輓詩          | 八九 |
| 秋日感懷                   | 八九 |
| 敬悼蔣夫人宋美齡女史             | 九〇 |
| 任翹詞長贈詩依韻和答             | 九〇 |
| 冬至感懷                   | 九〇 |
| 四川李正武畫家南遊藝展            | 九〇 |
| 訪時代藝術學院院長陸植華道兄新居       | 九一 |
| 賦贈鍾正山畫師                | 九一 |
| 賦贈葉又丹畫家                | 九一 |
| 寄懷深圳毛谷風詩家              | 九一 |

|                                |    |
|--------------------------------|----|
| 甲申清明感賦                         | 九一 |
| 春宵有夢到天涯                        | 九二 |
| 馬來西亞詩詞研究總會假詩巫市舉行第三十屆全國詩人甲申夏夜雅集 | 九二 |
| 檳島之行賦贈鶴山諸君子                    | 九二 |
| 春日寄懷                           | 九二 |
| 夏日抒懷                           | 九三 |
| 蔡鼎新詞長八五初度賦賀                    | 九三 |
| 敬悼周慶芳博士                        | 九三 |
| 敬悼彭士麟女史                        | 九三 |
| 祝賀世界蕉嶺鄉親聯誼會第二屆大會在蕉城召開          | 九三 |
| 祝賀世界蕉嶺詩書畫人聯誼會在蕉城成立             | 九四 |
| 秋風瑟瑟雁南飛                        | 九四 |
| 創建文化蕉嶺                         | 九四 |
| 台北市教師會館雅集賦呈在座諸君子正和             | 九四 |
| 高雄市訪黃昭豐詩家                      | 九四 |
| 高雄市黃昭豐詩家贈詩奉和                   | 九五 |
| 甲申陽春抒懷                         | 九五 |
| 賦贈香港邢寶莊道長畫師                    | 九五 |

|                                     |     |
|-------------------------------------|-----|
| 四川別後寄懷諸雅侶                           | 九五  |
| 台北李德超教授登霹靂洞山頂次和                     | 九五  |
| 台北鄧璧詞長八十述感次和                        | 九六  |
| 共研詩道出名篇                             | 九六  |
| 蕉嶺頌                                 | 九六  |
| 海嘯凶災                                | 九六  |
| 乙酉迎春                                | 九七  |
| 霹靂洞鎮山亭重建落成喜賦                        | 九七  |
| 中國國民黨主席連戰先生作大陸和平之旅與中共中央總書記胡錦濤先生會談喜賦 | 九七  |
| 乙酉端午感懷                              | 九七  |
| 全球漢詩總會第九屆廬山國際詩詞研討會謹賦五首              | 九八  |
| 賦賀台北市長馬英九博士當選中國國民黨主席                | 九九  |
| 雁聲隱隱報秋來                             | 九九  |
| 檳城鶴山詩社卅六週年紀念                        | 九九  |
| 敬悼台北春人詩社社長廖從雲教授                     | 九九  |
| 海外歸來憶舊遊                             | 九九  |
| 怡保文聯暨山城詩社合辦詩書畫藝耀中秋假霹靂洞中山文物館舉行       | 一〇〇 |
| 敬悼台北馬鶴凌詩翁                           | 一〇〇 |

馬來西亞詩詞研究總會舉行第卅一屆全國詩人冬至雅集

敬悼台北龔嘉英教授

故園梅蕊冒寒開

檳城藝術協會詩詞組卅二週年組慶次周子善主任原韻

乙酉三冬旅台感賦並呈席上諸詞長正和

丙戌新春霹靂洞詩書畫展

廢統感賦

臺北春人詩社詩題熊貓怨

大馬詩總卅週年慶展望

春風吹遍百花開

奉題台北黃漢英詞長詩書畫集

詩巫羅禮耕詞長贈詩次和

詩聲衛道不能移

賦賀林恭祖社長八十登山自壽

松風水月滌塵心

詩道傳薪播海瀛

迢迢歸夢憶蕉陽

綠樹陰濃夏日長

閒吟四絕次黃晚香博士原韻

幽居

山中谷韻自悠揚  
菩苑萋萋百卉香  
朝夕雲霞紛過眼  
藏修轉覺意偏長

向晚

斜陽一片燦林樾  
照澈清流湧碧沙  
獨立嶽崎崖壁上  
長天渺渺看歸鴉

遠眺

雲山莽莽起天風  
長嘯聲聲動碧空  
白鶴飛迴常伴我  
萬叢涵翠落霞紅

書懷

讀書飲酒卅餘秋  
放跡歸來且靜修  
翰海茫茫行不盡  
萬方結客豈閒遊

張弓作家鍾情怡保山水賦句以贈

爲愛嵐光接水光  
山城攬勝任徜徉  
憑君一管傳神筆  
寫盡峰巒倍鬱蒼

賦贈夏振基詞長

陳師門下出高才  
絕妙詞章氣韻恢  
幾度相逢情誼好  
敲詩月夜醉吟杯

賦贈陳雁白作家

十年交誼羨紅妝

道蘊才難玉尺量

多少人間風雨事

盡收筆下記滄桑

奉題李淑蓮畫家佳作二首

石楠花

春暮吹來澹澹風

石楠初茁兩三叢

花開時節顏如火

映得書窗分外紅

水仙

香氣飄浮碧水邊

名花早已號神仙

嶙峋一石長相伴

祇向人間結淨緣

題韻山弟佳作

高山流水圖

高山流水響清音

雲氣飄隨雅士臨

石上輕彈風籟起

更誰能識伯牙琴

竹林隱讀圖

君子虛懷孰與京

不求利祿不爭名

竹林隱讀春秋過

祇聽風聲並雨聲

題李淑蓮佳作

蘭花

何時探勝向煙巒  
遍處山花度歲寒  
空谷偶尋芳草後  
描成一幅畫圖看

辛夷花

辛夷花放自芬芳  
又見飛迴燕侶忙  
一樹紛紛披紅艷色  
朝迎旭日晚斜陽

龍頭巖賞荷

池塘鯉躍逐人來  
喜見荷花次第開  
澹澹薰風香沁腑  
紛紛客向此徘徊

題躡雲樓畔老松

樓外蒼蒼一老松  
居然矯健似游龍  
相看相敬還相揖  
歷盡風霜不改容

月出高山

月隱高山樹影遮  
遙瞻冉冉顯清華  
驟然出岫牽情去  
一片光輝共遠涯

霹靂洞半山三聖殿前老榕乃先嚴

仙如居士手栽小憩于此即詠

三聖殿前一老榕

巍然聳立傍高峰

仙翁遺蔭誰能識

猶有仙風佳氣濃

母親節感懷

棄養如今十八年

春暉難報草含煙

那堪佳節增愁思

空對雲山倍黯然

詠竹

如君瀟灑不沾塵

勁節虛心見性真

卻喜凌寒風雨後

依然挺立倍精神

檳江夜雨即景

檳江夜雨正霏霏

杯酒同斟逸興飛

一曲天涯離別意

卻憐遠客更依依

月圓之夜寄懷

今宵月色爲誰圓

一片清輝耀眼前

遙想伊人同皎潔

幾回夢到海雲邊

題韻山弟畫秋林覓句圖

小橋碧水聽泠泠

秋滿山中風滿亭

爲愛高人來覓句

四圍古木尙垂青

題李淑蓮畫家灞橋送別圖

雅士相逢興倍饒  
幾曾論道度深宵

今朝送別還攀柳

不盡離情過灞橋

遠望萬莊臺

數月登峰數百回  
還從遠處望崔嵬

萬莊臺峻穿雲表

彷彿群仙駕霧來

遠望花雨亭

層層峭壁仰巍巍  
花雨亭前花雨飛

一片繽紛呈五彩

幾人頓悟是禪機

酒廊聽鄧麗君歌曲五首

甜蜜如君笑眼前  
柔情一片意綿綿

不殊花綻春風裏

秋月還疑春尙延

其二

年年寶島寄遊蹤  
作客小城興倍濃

更向小城懷往跡

幾回聽曲動愁容

其三

海上秋風海韻多  
美人歌舞憶婆娑

那堪殞落悲無那

悵望波光觸眼波

## 其四

夢裏尋蹤無處尋  
尙留風采並清音  
芳心皎潔如明月  
猶照天涯萬客心

## 其五

一曲殷勤勸舉杯  
好花好景幾曾開  
自從離別人間後  
何日重來喚不來

## 韻山弟寫春山觀瀑圖題句

春山似畫畫中奇  
一片松風浩浩吹  
更喜瀑聲迴響處  
渾成籟韻遍荒陲

## 李淑蓮畫家寫菊題句

東籬又見傲霜花  
九月風高氣正華  
我比陶潛詩興好  
一樽相對日將斜

## 飛渡北京

迢迢飛渡北京城  
片片雲霞伴我行  
萬水千山紛過眼  
天涯喜有故人迎

## 天安門

天安門外人如海  
高仰城樓日漸曛  
獨我豪吟聲激壯  
九霄霞彩落繽紛

萬里長城

千秋古蹟千秋壯

萬里長城萬里揚

登上長城憑嘯傲

江山激盪遠無疆

十三陵

十三帝葬十三陵

宮殿層層探幾層

細數歷朝隨逝水

明皇遺蹟最難能

故宮

四面輕飄漢苑風

兩朝文物古今崇

珍奇瑰寶揚中外

無限清徽出故宮

天壇

前代皇朝禮節勤

一壇耀碧接青雲

我來亦效參天帝

但願人間息戰氛

頤和園

山色湖光紛競秀

頤和園裡更輝煌

幾人領略頤和氣

殿外排雲陣陣涼

避暑山莊

嵐飄水映嬈仙鄉

一片氤氳一色蒼

烈日炎炎何處適

最宜避暑憩山莊

賦贈北京吳際先生

我自南洋歸故國 君從上海返燕京  
萍蹤卻有知音在 縱酒高歌盡醉傾

蘆溝橋

抗日當年血戰酣 天南有客此來探  
蘆溝橋上英魂赫 化作朝陽正氣涵

小不達拉宮

登臨小不達拉宮 梵宇重重耀碧空  
說法竟無僧侶在 祇聞歌舞滿樓中

景山公園

高崗步上瞰京城 萬綠叢中鳥正鳴  
我爲明亡猶嘆息 古槐樹下弔崇禎

北海公園

北海園中景倍幽 湖天點點看閒鷗  
巍巍白塔穿雲際 疑是雲層頂上浮

大鐘寺

天下爭傳第一鐘 聞聲陡覺盪詩胸  
俗塵滌淨征塵淨 參悟禪機興轉濃

北京訪許溶烈博士未遇

古洞迎君六載前 南洲別後夢魂牽

牽情日對徐公硯

來訪高蹤嘆渺然

賦贈北京王義先生

與君睽別似參商 此日重逢意倍長

最是高歌杯酒夜

豪情不減少年狂

贈別四川吟侶

月圓三度夢難圓 蜀道山連水復連

故向燕京重聚首

那堪明日又揚鞭

北京返馬感賦

燕市歸來已五更

村郊遠處聽雞聲

從知故國風光美

不及怡城山水情

奉和香港黃坤堯教授贈詩原韻

祇向騷壇會眾英

不圖富貴不圖名

今宵海外來高士

醉裏豪吟聽正聲

台北江沛詞長大著逸樓吟稿

付梓謹次其自嘲原韻以賀

絕妙詞章絕妙詩

詩人本性最狂癡

逸樓一卷當傳世

無限清新境在斯

曉日登山遇雨口占

曉日登山細雨濛 一聲長嘯起天風 欲從絕頂尋仙侶 卻在騰雲駕霧中

檳城海畔對飲賦贈諸君子

檳江相會幾多回 又見佳人送酒來 醇酒真如情誼好 何妨泥醉海雲隈

再疊前韻

對酒聽歌又一回 最難能是故人來 詩聲唱徹濤聲起 醉裏渾忘寄海隈

賦賀廣東省茂名市孔昭順美術館開幕

藝海曾經萬里馳 如君下筆自雄奇 茂名市上聲華著 疑是洛陽紙貴時

賦贈墨爾本江榮基陳繼偉先生

名山此夕接江陳 小聚居然似故人 弦月當空相對飲 那堪明日送征塵

癸未新年展望次何建才詞長原韻

送歸一馬接三羊 佇盼昇平共賦章 看取新春新景色 百花含笑競飄香

其二

萬里春風吹大地 迎春好與共嬉春 春光無限情無限 處處優遊自在身

其三

東風吹送太平年 四海騷人賦錦篇 春裡遊春春裡醉 詩心祇愛結詩緣

其四

矢振騷風不論功 詩儔妙句碧紗籠 今年賺得詩多少 應在湖光山色中

李淑蓮畫家佳作題句

松鶴圖

東風吹拂絕塵埃 松老依然亦壯哉 野鶴似知春氣好 故從山外遠飛來

秋景圖

一片秋光四面環 蕭蕭紅葉映青山 平湖放棹尋詩去 幾得浮生此散閒

成都洛帶鎮與舍弟韻山舉行詩書畫展

洛帶行吟逸興馳 一堂書畫會新知 題詩幸有生花筆 桃李爭開十萬枝

都江堰二王廟

治水功高動客思 萬人參拜二王祠  
大江千載流徽遠 峻嶺梅花傲滿枝

樂山大佛

鑿石悠悠九十秋 巍巍大佛鎮江流  
莊嚴法相憑瞻仰 不盡遊人上客舟

遂寧廣德寺

楊郎伴我訪名山 廣德修持在此間  
頓悟禪機留墨跡 一堂僧侶盡開顏

遂寧靈泉寺

千年古寺見靈泉 一飲靈泉萬慮蠲  
大士慈悲遺蹟在 浮生幸許證因緣

金華山謁陳子昂讀書臺

天涯來謁讀書臺 山水鍾靈氣自恢  
未見古人兼後者 陳公不愧是雄才

峨眉山萬年寺禮大行普賢菩薩

霹靂洞天禮普賢 峨眉山上證前緣  
大行大志吾當奮 尚有青雲路萬千

眉山三蘇祠

三蘇賦筆氣堂堂

我到眉山不敢狂

千古詞章憑繼起

矢從翰海馭風行

砂勞越張氏公會落成主辦

第二屆世界懇親大會暨世界總會成立囑題

一脈宗情遍五洲

清河靈氣自悠悠

兩朝賢相千秋鑑

輔漢興邦萬古流

李淑蓮畫家寫春江泛棹圖題句

春光澹澹水悠悠

四面青山翠影浮

謾謾松聲如喚客

且從此處泛輕舟

賦贈溫惠儀畫家

藝事長耽樂有餘

右丞畫與右軍書

優遊更比鷗波闊

看遍湖山意自舒

李淑蓮畫家寫梅鶴圖題句

雪花飄處潤如酥

遯跡孤山道不孤

獨向孤山常覓句

梅妻鶴子伴林逋

賦贈周玉瑩畫家

萬里南來續舊盟

京華小聚又山城

周郎筆下生羅漢

宛在人間化俗情

賦贈郭晴巖書家

高人風度幾回瞻  
落筆雄渾氣勢嚴  
最憶君家如閬苑  
晴霞萬片繞晴巖

賦贈陳陽熙畫家

萬重山水一陽熙  
寫到空靈境界奇  
聞道遠遊弘藝事  
高蹤何日到南陲

和答黃煜南詞長

陽春一片氣清華  
遠客歸來寄海涯  
卻喜黃公詩興好  
暮年綵筆更生花

賦贈李德超教授

一年一度一相逢  
酒肆高歌興倍濃  
卻笑李郎尋綺夢  
桃園深處覓芳蹤

張鶴詞長著白翎詩草聯選奉題

愛國詩人不等閒  
中興浩唱濟時艱  
如君飄逸知何似  
一鶴飛迴天地間

賦贈鍾正山畫師

誰信鍾郎七十齡  
翩如玉樹尙涵青  
平生挾藝天涯去  
名播南溟又北溟

韻山弟寫靈猴獻果圖

雲山遍處起春風 南國欣看瑞氣融  
更喜紅毛丹正熟 靈猴獻果意無窮

韻山弟寫紅毛丹樹戲群猴

一帶雲林萬樹蒼 無邊好景沐春陽  
南洲佳果宜人住 喜有靈猴喚客嘗

賦贈拿督黃家泉先生

宦海奔馳二十年 親民有道早稱賢  
人生得失尋常事 再起東山奮著鞭

賦贈海外吟侶

嚶鳴千里訪南天 小住怡城證雅緣  
獨愛詩書懷素志 春宵對酒意綿綿

贈別

海國來遊莫道遲 居然相見是相知  
明朝一別長相憶 好藉音書慰我思

賦贈張弓作家

名山此日接名家 洞府生輝氣更華  
博學才如湖海闊 文章警世萬人誇

# 深圳行賦贈諸君子

別有深情深圳行  
春風送客幾多程  
朝遊山水斜陽後  
聊與知音共醉傾

## 深圳贈別

客裏相逢駒隙過  
匆匆話別奈愁何  
深情恰似湖中水  
怕聽陽關三疊歌

## 重訪詩巫

詩城引夢又重來  
風景無殊畫境開  
卻喜群賢豪氣壯  
連宵浩唱醉吟杯

## 鵝江遠眺

鵝江浩蕩浪滔滔  
一帶奔流接海濤  
極目長天何所慕  
閒鷗處處任翔翱

## 古田公園

俊彥紛紛溯古田  
公園碑碣紀前賢  
湖光日色相輝映  
一塔巍然耀九天

## 中華文化館

中華文化仗弘揚  
到此摩挲引興長  
今古藝林人物盛  
一堂瑰寶耀光芒

石山公園

山不高兮似畫屏

一園草木四時青

曲橋過處波光蕩

逝客魚兒見性靈

伊班長屋

長屋迎來遠客多

閒情聊與共消磨

伊班美女翩翩舞

鼓樂聲中醉復歌

賦贈四川李正武畫家

故國相逢共騁馳

爲耽詩畫競雄奇

春遊天府桃花笑

笑汝疏狂笑我癡

賦贈四川遂寧市鄧新民先生

鶴立群中仰典型

九霄朗朗耀春星

如君致遠原超絕

管領名城號遂寧

檳城夜飲聽曲次毛谷風詩家原韻

又向檳江訪故人

關堤來去幾多巡

難能對酒聽歌夜

侍座紅妝倍可親

中華國花頌

冰肌玉骨本無瑕

傲雪凌霜信可誇

五瓣分明盟五族

國花即是大中華

韻山弟寫竹題句

君子超然總軼群 高風亮節絕塵氛 虛心更有凌雲志 不管人間俗慮紛

蔣子健詞長著西園詩輯奉題

蔣郎年少自翩翩 耽愛詩書日夕研 筆挾風雷神韻在 佇看攀上最高巔

題美國蒙大那州景色

波光澹澹環幽境 雲氣層層罩遠山 蒙大那州迴夢寐 無邊景色勝仙寰

高雄愛河即景

重遊堤畔挹清風 一帶燈光似彩虹 情侶雙雙隨處見 紛紛共浴愛河中

韻山弟寫雄雞

蕭蕭竹影石嶙嶙 卻喜雞聲報曉春 春日風光無限美 一番吟頌一番新

群雛覓食圖

嬉春結伴總歡愉 且看群雛覓食圖 世上幾多兄弟輩 莫如相敬共相呼

賦贈新加坡曾慶昌畫家

京華兩度會曾郎 詩畫論交意愈長 君向神州南北去 風流處處任徜徉

路過潮汕

潮汕路上過輕車 一帶田園罩彩霞 山水重重觀不盡 慚無好句可籠紗

澹浮文物院

石徑逶迤上硯峰 澹浮院裏澹煙從 碑林盡是名家筆 東粵文風此處濃

知魚橋

知魚橋畔蕩波光 莊子知魚樂未央 且看魚兒遊樂處 人間俗慮盡渾忘

韓江橋

長橋遠眺似長虹 江水悠悠澹澹風 曩昔文豪遊跡處 徘徊堤畔憶韓公

開元寺

開元古寺出初唐 法雨繽紛四海颺 參悟無常登覺路 何妨冷眼看滄桑

韓文公祠

諫迎佛骨貶潮陽

雲路迢迢嘆渺茫

治世文章憑教化

江山終古伴祠堂

彩虹橋

彩虹橋下小西湖

蕩漾波光似畫圖

更喜田園風物美

遠山含笑亦相呼

景德鎮

景德陶瓷妙藝工

蟲翎花卉入眸中

古今人物皆精擅

華夏名傳海外崇

如琴湖

四面青山環碧水

千叢翠色繞蒼林

波聲彷彿琴聲起

疑是文姬此奏琴

白居易草堂

澹澹風吹謁草堂

四圍花木尙蒼蒼

琵琶一曲千秋誦

司馬當年倍感傷

題黃龍寺

黃龍古寺歷千年

遠客來遊證佛緣

仰望巍巍三寶樹

十分靈氣接諸天

廬山仙人洞

攀上仙人古洞中 千層峭壁險無窮 一聲長嘯煙霞散 攬盡高峰氣概雄

琵琶亭

江上琵琶岸上聲 一絃一淚月淒清 卻逢司馬憐身世 寫盡飄零怨婦情

乙酉中秋雅集張韻山葉兆熊

顏于冕高一貴合繪巨作題句

嶙峋石上竹蕭蕭 松菊凌霜月色嬌 一帶雲林秋氣滿 十分美景耀中宵

賦贈大馬詩總會長何建才先生

爲羨高才是建才 山城相約又重來 今宵風雨催詩急 覓句何妨醉幾杯

賦贈四川李正武畫家

客歲連宵對酒杯 今朝又見故人來 憑君再寫雲山景 怡保雲山次第開

寄遠

離情一縷豈能消 夢裏關河萬里遙 猶憶廬山留倩影 十分才貌筆難描

回鄉感賦

遠客南歸認故鄉

徐溪訪後又藍坊

尋根不盡滄桑感

一瓣心香謁祖堂

長潭遠眺

返梓雖遲願不違

蕉城小住總依依

鄉情恰似長潭水

浩蕩如聞喚客歸

鎮山公園瞻仰丘逢甲銅像

爲羨英雄倉海君

鎮山園上挹清芬

保台大義揚千載

堪比鄭王敵萬軍

逢甲大橋

風聲瑟瑟伴車聲

逢甲橋過路幾程

一帶燈光輝映處

漁舟點點逐波行

謝晉元紀念館

抗日英雄謝晉元

當年炮火震天昏

孤軍八百聲威壯

史冊長留熱血痕

遊梅州千佛塔呈明慧住持

十載開山志氣昂

當時托鉢遍遐方

即今勝境如靈鷲

佛塔輝煌耀八荒

陰那山靈光寺

五指峰高勢插天 靈光萬丈耀眸前 千年古寺今猶盛 我向名山結淨緣

雁南飛茶園渡假村

千頃茶連千頃樹 萬重山接萬重雲 雁聲隱隱聞深谷 流水潺潺滌俗氛

賦贈趙莉主任

梅州水秀並山清 巾幗才華孰與爭 萍跡相逢無限意 匆匆聚散總牽情

毛谷風詩家邀往參觀深圳赤灣左炮臺

赤灣形勝地縈迴 我輩登臨左炮臺 擊敗英軍何奮勇 林公畢竟是雄才

徐持慶詞長於廣州南園酒家招飲

客歲廬山共賦詩 遊蹤處處總相宜 今朝再聚南園醉 醉後依依別故知

訪赤崗趙莉主任未遇

記曾深圳會紅粧 此夕尋蹤到赤崗 可奈緣慳無覓處 明朝又隔太平洋

賴甲貴詩翁九一生辰感賦次韻奉賀

地行仙也老彌康  
晚節堪嘉傲雪霜  
到處優遊閒趣在  
天真恰似少年郎

其二

莫嘆匆匆歲月過  
耄年吟興未蹉跎  
任教天老心難老  
頤養真堪致太和

其三

一代詩名播萬方  
如公氣概自飛揚  
寄情山水尋幽勝  
直比悠閒白鳥翔

其四

九一春秋慶壽辰  
平生澹泊道爲親  
忘懷忘得忘塵俗  
祇合湖山作主人

賦贈新加坡淳于汾詞長

去歲迎君至 深宵醉月圓 曾爲三日客 還寫萬行箋 化俗詩心雅  
扶風志節堅 名山重聚首 浩唱起嵐煙

賦贈新加坡李庭輝詞長再疊前韻

客裡初相識 怡城月漸圓 新知如舊雨 雅誼送蕪箋 敲句情偏好  
匡時意倍堅 今朝臨古洞 山繞萬重煙

賦贈新加坡黃松齡詞長三疊前韻

小樓同小聚 吐句似珠圓 促我吟三首 懷君寄一箋 早年心愈奮  
晚歲節尤堅 可奈匆匆別 情隨碧海煙

台北摯友惠贈孫中山先生瓷像感賦

相贈孫公像 故人慰我衷 豐功開偉業 博愛出豪雄 一世千秋仰  
三民四海崇 至今遵大道 必見九州同

霹靂洞摩壁鐫張大千大師墨蹟美景十分

八景誠超絕 張髯讚十分 洞天無可匹 墨瀋有遺芬 氣蓋東南勝  
山連西北雲 藝壇增氣象 千載紀殊勳

霹靂洞摩壁鐫溥心畬大師墨蹟菩提世界

溥老夢南島 遙聞霹靂聲 人尊三絕紗 筆灑萬雲生 般若詩心淨  
菩提世界宏 即今鐫墨蹟 古洞更馳名

讀張大千溥心畬大師書畫詩賦

南張與北溥 書畫冠群倫 仿古能超古 創新更出新 詩承唐代雅  
賦媲漢朝珍 才似長江水 奔流入夢頻

怡保龍頭巖紀遊

百載遺仙窟 重來感慨深 山光餘澹澹 龍氣已沉沉 玄妙門常鎖  
青蔥樹尙陰 黯然懷道侶 夕照咽寒禽

寄懷

昨夜夢魂繞 今朝音訊來 雲移飄遠海 鵲噪掠高台 匝月悠悠過  
離愁冉冉開 經年相聚少 能得幾多回

己卯新春感賦

山君遁跡去 玉兔送春來 園愛南洲槿 情牽北國梅 詩心遊物外  
籟韻聽林隈 遙憶陽明嶺 登臨興正催

賦贈黃晚香博士

夫子何超逸 黃花晚節香  
耽經歲月長 高樓聽雅韻

山中常嘯傲  
蟾影亦增光

海畔每徜徉

閱世胸懷闊

賦贈李若冰先生

澹泊名逾著 交情倍覺濃  
春遊處處逢 平生高節在

巧思工射虎  
恰似不凋松

妙句擅雕龍

蝶夢翩翩舞

賦贈李明芳道長

我本逍遙客 君居自在宮  
浮生一夢中 今宵相對飲

玄門弘大道  
揖別又匆匆

紫氣透長空

行跡千山外

寄懷

遯跡青山下 憑誰對酒杯  
冬來人未來 何時重聚首

深宵懷舊侶  
望斷海雲隈

澹月伴高台

秋去愁難去

檳城海畔酒座聽歌

作客誰爲伴 聽歌月照觴  
風吹海氣涼 怡然亭上醉

百花齊弄影  
醉臥夢還方

一曲幾迴腸

人隔天涯遠

## 有贈

一自都門會 風華繞夢來 攀登青嶂頂 蹀躞白雲隈 秀比名花綻  
清如朗月開 幾逢知己醉 何日又重回

## 山居客至

春風微拂夜 客至雅懷開 雲氣飄樓宇 山花落酒杯 常邀知己醉  
幾得故人來 好句遲難覓 蕭蕭竹韻催

## 檳城玉宮酒樓雅集賦呈諸君子

幾度遊檳島 重來醉玉宮 孫公高誼在 翁子盛情融 海湧濤聲壯  
詩吟氣概雄 今宵星月動 照徹九雲中

## 賦贈郭五峰詞長

交誼忘年久 當時互唱酬 幾回臨寶島 一夢繫神州 策杖身猶健  
吟詩韻尙悠 家聲傳孝悌 晚歲樂遨遊

## 雪影賦賀生辰依韻和答

耽詩經卅載 湖海嘯歌長 氣壯胸尤闊 鵬搏首自昂 相知多白髮  
伴讀待紅粧 願與青山壽 何妨醉幾觴

郭五峰詞長惠詩依韻和答

郭老能高詠 聲如流水音 詩懷天地闊 鄉夢海雲深 難得幾回醉  
何妨一放吟 苔岑風義在 吾愧說分金

寄懷香港張江美詞長

伴遊懷往跡 南海亦家鄉 步躡名山立 詩吟勝蹟揚 韶光如一瞬  
賦筆寫千章 遙憶香江美 何時再泛觴

奉題馬崙先生主編新馬華文作者風采

一卷流傳遠 紛紛筆陣開 獅城多雅士 馬國盡高才 欲使文章貴  
還憑道義恢 中華人物盛 風采遍南陔

登臨極樂寺懷白聖上人

極樂從心起 登臨極樂天 名山如鶴影 遠海接嵐煙 客至心猶戀  
錫飛夢尚牽 白公圓寂後 無復聽真禪

檳城藝協詩詞組設宴歡迎林水椽博士

檳島同爲客 翩然一笑逢 周郎能顧曲 林子擅雕龍 白雪詩吟雅  
紅妝意倍濃 盟心何所見 明月出旗峰

孫德欽社長住院養病賦此以慰

初夏纔相見 今聞二豎侵 當時同寄傲  
床前紫氣臨 願君須記取 莫負歲寒心

此日獨沉吟 樓外青山立

賦贈黃晚香博士

北上雲山遠 重來訪大賢 論詩尊博士  
才凌鶴嶺巔 平生多放曠 世事總無牽

策杖作神仙 文湧檳江水

賦贈潘清持詞長

十載交情久 風懷見性真 高才揚海國  
匡時德是鄰 一生甘澹泊 絕俗不沾塵

勁節比松筠 行跡鷗爲侶

大馬書藝協會霹靂聯委會十週年紀念

十載弘書藝 吾儕氣自恢 翩翩來遠客  
城中霧色開 興酣還灑墨 幾得共銜杯

濟濟出高才 月下詩聲響

潘清持詞長贈詩依韻和答

浮雲無定處 萬事總隨緣 書學鍾王帖  
君是地行仙 但願長超俗 相期度百年

詩吟李杜篇 我爲塵外客

雨夜寄懷

故人睽別後 常憶舊山河  
誰伴醉時歌 此夕風兼雨

半載音書少 心迴起伏波  
重洋夢影多 自彈離緒曲

吉隆坡旅次與諸雅侶對飲

細雨斜陽裏 窗前景倍饒  
詩心萬里遙 萍蹤嗟短聚

群鴉紛過眼 驪唱又明朝  
雙塔並擎霄 酒意三杯淺

重過淡水偶成

淡水重來訪 紛紛落晚霞  
佳人氣自華 今宵同把酒

堤邊觀斗宿 幾得會天涯  
海畔侶魚蝦 羈客心能靜

晨謁台北中正紀念堂

白日旗飄處 齊聽紀念歌  
悠悠歲月過 幾人懷大德

畢生徵氣節 德庇兆民多  
矢志復山河 歷歷功勳著

遊中和鄉圓通寺

古寺依山立 巍然氣勢雄  
道傳五蘊空 登臨清淨地

世途多曲折 處處挹慈風  
佛境悟圓通 法喜三生證

瞻仰台北國父紀念館旁于右任元老銅像

纔參國父館 又仰美髯翁 革命懷何壯 揮毫興不窮 暮年思故土  
警句挾雄風 墨蹟摩挲久 踟躕夕照中

旅台贈別吟侶

半載睽違久 相逢鬱自開 深情牽遠海 明月伴高台 一夕三更聚  
連宵幾夢迴 夜寒風瑟瑟 似囑定重來

新加坡同德書報社九十週年紀念

同德同盟會 悠悠九十年 群才參革命 眾志總回天 社比青山立  
心隨白日邊 即今民主貴 霜壓節尤堅

庚辰清明

節過清明後 同來拜墓遲 春光餘澹澹 草色自離離 半世恩難報  
平生志不移 墳前增悵惘 魂夢幾相隨

賦贈香港陳晚華學長南遊

憶昔同窗日 新盟似舊盟 江山縈夢寐 肝膽見忠貞 遠海情難隔  
長天雁始征 南遊消息近 杯酒待相迎

賦贈吳超亮詞兄

苔岑交誼久 此夕又逢君  
心境有清芬 超亮燈光下

閱世胸中蘊  
何妨共醉醺

耽經世上聞

風懷無俗慮

賦贈黃月鳳吟友

結伴遊檳島 沿堤聽晚潮  
秋光澹澹描 但逢知己醉

月明山影現  
醉後俗情消

鳳翥海雲飄

鷗侶紛紛至

贈別故人

天邊佳訊至 海外故人來  
雞唱五更催 聚散嗟何速

島嶼濤聲湧  
依依引夢回

雲山霧色開

宵深連夜醉

庚辰七夕寄懷

七夕千秋韻 雙星萬世緣  
兩情金石堅 今宵誰與伴

銀河憑共渡  
徒此望長天

烏鵲互相牽

一水煙波渺

詩巫鵝江詩書協會成立

殊方揚妙藝 濟濟出高賢  
倚馬韻猶傳 獨我神馳遠  
書繼鍾王筆 迢迢路幾千

詩承李杜篇

換鵝風再續

# 登霹靂洞絕頂

絕頂登臨處 鴉聲噪夕陽 天風吹蕩蕩 山色鬱蒼蒼 石上蘭初綻  
崖前桂始香 忽聞空谷響 伴我嘯歌長

# 題張大千與張仙如合影

三十年前事 名山接大師 仙翁曾掃徑 菩薩亦開眉 筆灑群巒壯  
胸涵萬象奇 至今留墨蹟 遺韻動南陲

# 登萬里望升旗山

日暮斜陽裏 登高又幾重 山名傳萬里 氣勢壓群峰 野鶴隨雲影  
靈猿伴客蹤 況逢明月照 歸路霧難封

# 登金馬崙高原

穿越群山去 隨車鳥陣翔 雲開青嶂美 風過碧蘭香 小苑花如錦  
高樓月照觴 四時無暑夏 疑是住仙鄉

# 遊怡保崑崙巒勝地

崑崙成勝境 越嶺乘舟行 四面青山峻 一湖碧水清 臨風花競秀  
迎客鳥爭鳴 疑入桃源裏 渾忘世上情

古亭送別

相送古亭別 寒風瑟瑟侵 南歸春夢繞 東望海雲深  
芳蹤何處尋 山中聞谷韻 疑作是登音 澹月臨窗照

寄懷

天邊觀雁影 夢裏聽瓊音 寂靜山花落 陰晴月色臨  
情似碧潭深 何日重相聚 離愁祇自斟 春開紅豆滿

辛巳清明拜墓

又近清明節 登上上巳辰 懷恩慚度歲 拜墓倍思親  
雨霑花木春 一言堪告慰 慧業日翻新 暉映椿萱德

敬輓潘清持詩翁

養頤原自在 可奈病魔纏 客至心尤懼 天昏魄已捐  
翰苑失高賢 黯向靈前祭 悲吟薤露篇 詩懷留正氣

中華民國駐聖克里斯多福張大使小月凱歸

去國三年久 盟邦萬里遙 忠心匡社稷 正氣貫雲霄  
潛聞海角潮 名山曾有約 月照景偏饒 遠望天邊雁

登霹靂洞絕頂

夕照登峰頂 靈猿逐客來  
滿山松子落 天風滌俗埃  
萬莊臺上立 舒嘯白雲隈

幾樹桂花開 嵐氣飄仙境

賦贈故交

猶憶蓬瀛去 相逢在遠涯  
酒酣增客思 無爲一念差  
茫茫勞望眼 好續兩情諧

茶馥沁詩懷 莫道重洋隔

過吉隆坡賦呈諸君子

輕車馳大道 旭日顯光華  
一帶青山美 妙句待籠紗  
卻喜知音在 高吟興正賒

千叢綠樹斜 清風能助筆

訪郭五峰詩翁

廿年情誼洽 曾作浪遊人  
峰峻群山仰 兒女倍相親  
度歲寒能耐 凌霜見本真

薪傳眾士珍 詩書常共勉

題韻山弟佳作騎驢覓句圖

蕩蕩波千頃 迢迢路九彎  
騎驢尋好句 天高鳥自閒  
眼前如幻境 夢裏入仙寰

策杖訪名山 松老雲相伴

梁振康畫家假寶兆遠藝展

世道衰微久 梁君挾藝行 胸中涵逸氣  
披圖境界宏 莫嗟春去也 又見百花生

筆下見豪情 遊跡雲山遠

與李若冰先生論中華近代史

近代中華史 如今識者稀 五權時共濟 一黨世相違 誰可分清濁  
君能辨是非 從來民主貴 必見破重圍

讀譚雪影詩友芳園吟草

芳園吟草誦 滿室有清芬 心比蘭花馥 句如玉屑紛 精研唐代韻  
耽愛漢朝文 十載盟壇久 詩名處處聞

賦贈中華國際文化藝術交流協會理事長孔昭順先生

壇坫蜚聲遠 曾從萬國行 詩吟才俊逸 筆灑氣恢宏 寄跡君何往  
盟情雁又征 九秋重有約 杯酒話生平

題陳玉群畫家寫桃花

遍處桃花綻 鶯啼爛漫春 碧波紅瓣映 翠柳綠楊新 靜賞憑揮筆  
深居好避秦 漁郎來問訊 歸路亦迷津

## 寄懷

二月春風裏  
踟躕夢更賒

鯤瀛景物嘉  
別來音訊少

客中詩意滿  
歸思望天涯

山外夕陽斜

聚散時偏短

## 檳城黃逸鳳得民姐弟來訪

燦燦霓燈照  
醇醪醉後狂

悠悠琴韻揚  
今宵相送別

高樓新月澹  
重會近端陽

深巷晚風涼

真趣閒中得

## 賦贈賴甲貴詩翁

清風何處至  
詩骨老彌堅

輕拂翠微巔  
德媿青峰屹

洞府迎高士  
如君樂似仙

雲山結淨緣

老年雄亦勁

## 父親節感懷

此日尋仙跡  
思恩夢影牽

離塵廿一年  
但隨心似柏

洪荒開勝地  
紹業慰先賢

霹靂震諸天

如玉詩聲唱

## 賦贈台北李德超教授

北臺留戀處  
顧曲聽清音

酒肆夜同斟  
南國風情好

筆灑龍蛇舞  
雲遊總豁襟

詩吟歲月深

尋春溫綺夢

賦贈台北區靜飛教授

春光懷澹澹 春興記依依 山靜雲閒度 海寬鷗靜飛  
歸夢總相違 卻喜南來聚 書窗雨正霏 傾杯曾共醉

寄懷海外知音

知音何處覓 遠域遞吟箋 夢綰翩翩影 山居孌孌煙  
月待十分圓 爲約秋光裏 相逢海外天 人猶千里隔

檳城藝術協會成立四十八週年

群賢睽別後 轉瞬又經年 波湧千帆渡 雲移萬頃連  
風景入新篇 月滿人同醉 清音出五弦 江山尋舊跡

鄧璧柏蔚鵬詩書家題聯贈霹靂洞

柏子能揮筆 鄧翁亦解禪 鐘聲聽百八 世界看三千  
詩傳海角天 即今增墨彩 輝映翠微巔 心慕雲林景

新秋寄懷海外故交

隱隱秋聲起 駸駸歲序催 只聞空谷響 不見故人來  
浮雲幾復回 相期尋舊跡 重與醉高臺 征雁何曾過

## 美軍懲兇二首

大國本決決 紅羊浩劫傷  
兇徒道盡喪 即今征伐處

雙樓驚襲毀 禍首正潛藏

五角嘆遭殃

悲局魂皆斷

## 其二

東征聲浩蕩 世道尙茫茫

北約氣高昂 亂黨窮途困

狐鼠深山匿 雄師破敵忙

田園遍處荒

天心猶憤憤

## 重訪新竹承孔昭順先生暨諸君子招飲

新竹前遊地 詩吟海外天

重來結墨緣 殷殷相送別

萍蹤逢舊雨 歸路夕陽煙

酒肆會高賢

客似雲邊雁

## 蔣子健吟友著西園吟草奉題

蔣子耽文藝 酒酣意氣連

西園結墨緣 雲遊如野鶴

揮毫神妙矣 處處著吟鞭

作賦句超然

室滿詩聲繞

## 壬午清明感懷

思親懷古道 德重念椿萱

越嶺上高原 淚影添心影

片片雲霞過 詩痕繞夢痕

駸駸歲月奔

恩深承雨露

春興

春滿雲山景 斜陽帶晚霖 柳溪觀柳色 花海坐花陰 客聽黃鸝唱  
誰同綠螳樹 飛迴雙燕侶 喚我覓知音

旅台賦贈諸吟侶

出入長春路 欣逢二月春 客中盟舊侶 花下寄吟身 海隔山還隔  
情真夢亦真 但爲知己醉 幾得度嘉辰

台北詩友招飲賦呈乞正

磊落弘詩教 嚶鳴重友情 興如春氣滿 韻似海潮生 古典翻新意  
今人續舊盟 酒酣花亦醉 醉裏忘歸程

四川高華蓉詩友將重遊馬國賦此以迎

十年分別後 依舊夢華蓉 西蜀雲山遠 南洲海氣封 浮萍期共聚  
遊跡好相從 但醉春風裏 情牽意倍濃

送別

今朝相送別 無奈唱驪歌 月照浮雲度 人隨征雁過 依依迴夢影  
隱隱泛秋波 但願情能守 莫嗟離緒多

# 賦賀中央研究院嶺南美術館開幕

嶺南開畫派 一幟立中央 蕩蕩風雷壯 萋萋草木芳 名家揮彩筆  
妙藝遍遐方 我亦神馳遠 遙天望海疆

## 檳城關堤雅集有懷海外詩友

今夕重遊處 關堤結伴行 月明增客思 風急壯潮聲 望斷天涯路  
難忘海角情 南洲歸雁杳 別緒逐雲生

## 朱昌雲詞長逝世一週年祭

匝歲離塵去 靈前一奠公 文章驚海內 風雨泣樓中 月暗星悲落  
魂飛夢轉空 雲心軒上客 分散各西東

## 賦贈李多福詞長

爲愛名山景 李郎幾度來 登峰觀岫色 禮佛滌塵埃 雅誼今逾昔  
閒雲去復回 鐘聲催好句 天遣畫圖開

## 登峨眉山金頂

山峻登金頂 天高步白雲 寒風吹瑟瑟 落葉舞紛紛 法界從心得  
經聲遍處聞 大行清淨地 我自挹靈氛

登青城山

一碧湖光美 青城山倍幽 高峰啼鳥度 古廟倚雲浮 亂世愁中過  
玄機靜裡求 三清靈氣盛 心境自悠悠

陳玉群畫家寫古松題句

歸隱田園去 撫松仰昔賢 盤根能拔地 挺節更擎天 冷冷風前立  
巍巍雪後堅 大夫誰可匹 峻嶺獨昂然

寄懷四川詩友

一從春裡別 幾度夢還方 西蜀雲山遠 南洲日月長 離情猶落寞  
歸雁已迷茫 夕照登峰去 悄然望海疆

雨後登山口占一首

雨後登山去 峰頭覽勝來 寒煙環谷壑 古木繞亭臺 猿嘯吟情動  
風吹俗慮開 幾人能省識 此處即蓬萊

賦贈溫惠儀畫家

耽藝忘朝夕 誰如溫惠儀 丹青師造化 筆墨見淋漓 遠覽山中景  
深研畫裡詩 論交情愈洽 幾得遇相知

送徐持慶詞長入廣州暨南大學修碩士學位

聞道羊城去 乘風似轉蓬 文章修碩士 笙管起覺宮 耳順心尤奮  
才高氣更雄 送君唯一語 佳訊託飛鴻

深圳仙湖公園

世外尋幽去 盤旋石徑斜 春遊花盛放 風蕩氣清華 天上雲霞舞  
山中歲月賒 仙湖吟望處 我欲泛仙槎

衛塞節感懷

衛塞逢佳節 三生證夙因 長天飄紫氣 細雨灑紅塵 覺路心能悟  
忘機性本真 慈風吹大地 佛法又翻新

遊檳城極樂寺次毛谷風詩家原韻

極樂超塵外 經聲繞佛堂 雲山開法界 花雨散天香 塔現千重影  
霞飄五色光 忘機何所擬 鷗鷺正成行

秋日訪天師府

龍虎山中住 神仙府上來 新秋探勝蹟 古樹傍高臺 有限流光去  
無邊大道開 幾曾遊物外 歸路首頻回

象鼻山題句

尋幽秋色美 翠竹遠迴環 深入羊腸徑 遙瞻象鼻山 懸崖風瑟瑟  
空谷水潺潺 立足晴巒頂 飄然意自閒

登廬山含鄱口

登高何所見 翠嶂影重重 飛瀑三千尺 穿雲五老峰 山中探勝景  
世外覓仙蹤 遠望迢迢處 鄱湖霧正濃

白鹿洞

來弔朱夫子 還尋白鹿蹤 紫陽猶照耀 丹桂正香濃 受業群才出  
傳經百世從 畢生弘道義 千載仰儒宗

登滕王閣

登臨滕閣上 俯瞰大江流 飛鷺無蹤影 長天一色秋 才情人盡羨  
賦筆孰堪侔 王勃英名赫 故應萬世留

賦呈台北秦孝儀夫子

夙仰高賢久 才高總軼群 胸懷涵正氣 黨國策殊勳 靜愛依山影  
閒觀出岫雲 飄然行跡處 萬土挹清芬

寄懷

猶憶新秋裏  
紛紛雅士來

匡廬盛會開  
自從分袂後

風光疑閬苑  
無奈首頻回

山色嫵天台

嬾嬾佳人至

其二

迢迢懷北國  
酣醉夢黃州

鬱鬱住南洲  
何日重來聚

蹤跡依山隱  
相思孰解愁

韶光逐水流

娉婷如白玉

丙戌清明拜墓

又近清明節  
思親淚影新

兼逢上巳辰  
涓埃慚未報

山川環翠色  
鬱鬱首回頻

草木繞青春

懷德碑痕舊

初夏廣州深圳之行

羊城逢舊雨  
對酒忘宵深

圳市遇知音  
弦月多情伴

山接雲光繞  
藹然照客心

春歸日色侵

裁詩嫌夜短

謁深圳赤灣天后宮

一瓣心香薦  
慈風萬古崇

來瞻天后宮  
滄波雖浩蕩

赤灣環綠樹  
靈顯總無窮

碧海接蒼穹

勝蹟千秋盛

珠江夜遊感賦

珠江堤畔過 倏忽又經年 兩岸樓臺峻 四園花木妍  
遊子隔南天 極目蓬山渺 茫茫萬頃煙 懷人思北國

其二

空盼無消息 知音何處邊 青山遮不斷 碧水遠還連  
雲間月未圓 人生離合意 恰似去來船 客裡情難續

遊古晉青山巖

步上叢林裡 風光次第收 青山藏古寺 碧海泛閒鷗  
宜人景倍幽 世情多變幻 且看白雲浮 禮佛心逾淨

孫穗芳博士主張解決兩岸紛爭宜行一國良制  
實踐三民主義

舊恨何曾息 新仇又抗爭 善推情易洽 威逼氣難平 一國行良制  
雙方締好盟 孫公天下仰 主義必恢宏

賦贈陳煥儀律師作家

書擁樓頭滿  
煥然儀表揚

才難玉尺量  
藝林名士眾

感時研法律  
無數羨紅粧

淑世著文章

美矣春花綻



丁丑冬至與張君登雲頂高原

逶迤路遠馭輕車 冬至風寒日已斜 萬嶂迴環參斗宿 一樓高矗罩煙霞  
騁懷俯視平原闊 對酒豪吟逸興賒 樹影垂青迎雅客 山居此夕樂無涯

遊雲頂蓬萊仙境清水巖用前韻

蓬萊探勝且停車 清水巖前夕照斜 千仞峰迎千里客 九層塔擁九霄霞  
山泉滌俗心逾淨 仙境遊蹤興更賒 看取浮雲能共聚 不須嗟嘆隔天涯

戊寅新春感賦願與全民共勉

又接新年送舊年 春風孃孃遍南天 一聲虎嘯山河壯 千里鶯啼草木芊  
當日消沉成往跡 今朝奮起快揚鞭 馬邦形勝長堪頌 會見飛騰海外傳

戊寅新春感懷

春風春雨聽聲聲 勸我雲山永結盟 腹有詩書才自顯 心如水月事無爭  
騷壇畢竟多騷緒 俗世由來盡俗情 悟得浮榮原一夢 人生何必絆虛名

其二

聽風聽雨伴詩聲 祇結鷗盟與鷺盟 眼望浮雲能萬變 春迎佳氣不相爭  
騁懷但愛山中景 寄跡嘗遊物外情 明月臨窗耽夜課 彷彿聞仙子勸埋名

## 戊寅孟春旅台賦呈諸詞長教正

夢綰年時越海洋 東風笑客似劉郎 玉山隱隱峰巒美  
嵐影千重環北市 波光萬里接南疆 多情舊雨兼新雨  
陽嶺萋萋草木芳 更比綿綿春雨長

## 台北中華學術院詩學研究所成立卅週年紀念雅集

## 恭和馬鶴凌詞長原韻

座滿詩翁亦醉翁 醉心詩學眾心同 放歌唯愛湖山美  
衛道卅年崇大道 扶風一幟見新風 至今浩唱中興頌  
寄跡何愁煙雨濛 直比華岡氣象雄

## 賦贈馬鶴凌詞長

名揚海外響如雷 賦句雄奇讜論恢 崖上吟聲聞霹靂  
仰公氣壯風雲概 有子人尊廊廟才 統一神州心愈奮  
洞中題壁勝蓬萊 大江南北去還來

## 賦贈陳慶煌教授

對酒論詩幾度邀 才如滾滾去來潮 龜山句詠千家頌  
奮寫詞章匡亂世 窮研經史續全貂 相逢最是歡心事  
鯤海鵬搏萬里遙 共沐春風興倍饒

## 賦贈中華民國駐聖克里斯多福大使張小月女史

中華又出女英豪 裨闡縱橫志不撓 聖域春生千里闊  
羨君心境如明月 容我詩聲徹遠皋 何日南來尋勝蹟  
漢家旗映九雲高 太平洋外望奔濤

檳城鶴山詩社諸詞長招飲賦呈一首

幾曾跨海會詩盟 遙聽嚶鳴是正聲 鶴嶺春迴遊子夢  
騷風遠拂千秋盛 雅士高吟四座傾 警句匡時今勝昔 檳江浪湧故人情  
中華文化更恢宏

四月清和好賦詩

荷風陣陣促題詩 探勝何人作伴隨 雲氣層層環夏日  
朝看遠海情迴久 夕對長天月湧遲 莫道八方吟侶隔 柳絲嬾嬾似春時  
盟心一片總難移

抒懷次陳志仁原韻

山外山連天外天 窮研詩道勵心堅 放歌每藉杯中酒  
翰苑優遊原曠矣 雲巒隱讀自陶然 何堪四十春秋去 行跡常爲世上仙  
蘇海韓潮奮着鞭

戊寅詩人節感懷

節屆端陽萬籟號 年年雅集屬吾曹 忠臣愛國垂千載  
弔影心隨蘭芷澤 悲歌聲徹海雲濤 迢迢浪湧湘江水 招得詩魂唱楚騷  
熱淚辭家動九皋

謹祝馬英九博士競選台北市長成功

英雄氣概不尋常 正道居然遍八方 碧海奔騰隨志壯  
親民早受民情擁 愛國曾爲國事忙 北市唯君能作主 青山聳立比軒昂  
定教政績更輝煌

陳慶煌教授五十初度

感賦依韻奉和

爲羨東坡夜泛舟 優遊赤壁卻閑愁 眼觀塵世三千劫  
綵筆縱橫揚寶島 詞章磅礴動神州 稱觴喜見文星燦  
翰海探驪永不休

賴侃平賴甲貴潘清持羅濟賢

陳良鐘諸詞長來訪賦呈一首

禮賢遺教繼仙翁 掃徑相迎今昔同 洞窟論詩群彥集  
人生聚散原無定 世事浮沉總不窮 二十餘年肝膽照  
雲山寄跡萬緣空 吟聲響徹海天中

賦贈檳城鶴山詩社孫德欽社長

幾度相逢續舊緣 與君酬唱廿餘年 薊園月色來山外  
一世耽詩詩境闊 千篇化俗俗情蠲 今朝又會神仙窟  
檳海濤聲繞夢邊 放跡雲巒作散仙

檳城鶴山詩社訪問團蒞訪怡保

霹靂洞暨山城詩社喜賦

極目檳江霽色開 爲迎雅侶屢登臺 山城日麗山光美  
遠客盤桓遊古洞 高樓歡唱醉新醅 那堪小聚還分手  
鶴嶺雲飛鶴影來 別路依依帶月回

馬英九博士參選台北市長次鄧璧詞長原韻

堂堂氣宇冠群倫 一志圖強見夙因 大道遠行心愈奮 雄才丕展日翻新  
迢迢駿越三千里 浩浩聲揚百萬民 首府將聽傳捷報 國旗飄蕩絕煙塵

檳城鶴山詩社成立大會感賦

結社悠悠數十年 儼然仙鶴立峰巔 風飄一幟看今日 韻續千秋繼昔賢  
鷗侶忘機江渚上 詩聲激浪海雲邊 宏揚正道群才奮 矢作中流砥柱堅

賦贈誼妹劉恩齊畫家

當年邂逅在都門 雅誼真同春氣溫 義結金蘭來洞府 興耽詩畫忘晨昏  
遊蹤似雁千山度 潑墨如濤百丈翻 數載神州南北去 風雷攬盡筆尤奔

謹次陳瑞祥詩家七五生朝感賦原韻

平生樂道忘春秋 藝事長耽興更悠 莫論升沉時代異 但看變化海雲浮  
樽前淺酌研碑帖 月下高吟動斗牛 杖國優遊何所似 放懷天地一閑鷗

菲律賓王宏榜先生令萱堂九秩晉三帨辰賦賀

菲京忽報好音來 懿範揚芬遍海隈 桃熟千秋臻大壽 月明萬丈照高台  
忘憂萱草年年綻 祝嘏荷花面面開 最是一門皆俊秀 文才武略更雄恢

# 山居寄懷

遯跡山隈傍水隈  
對酒難逢知己醉

從知世道盡氛埃  
敲詩空待故人來

清華獨賞江中月  
連宵臥聽瀟瀟雨

高潔常思嶺上梅  
別緒頻添夢幾回

# 奉題台北中興山莊

紛爭世局似繁星  
紆籌策勵千秋業

佇看中興出漢廷  
愛國心連萬里溟

隱隱青山環遠海  
數十年來培志士

悠悠白日耀高庭  
至今猶辨渭和涇

# 霹靂洞摩壁重鐫于右任丁治磐梁寒操易君左墨蹟感作

南島敦煌景倍妍  
眾覽常嗟神韻妙

高賢墨蹟又重鐫  
吾瞻陡覺俗情蠲

于丁書法人間仰  
洞天管領懷前哲

梁易詞章海外傳  
猶憾當年未結緣

# 檳城藝術協會詩詞組戊寅七夕雅集次周子善詞長原韻

銀河水隔本非遙  
良宵天上無多日

卻有悲歡韻事撩  
綺夢人間得幾朝

兩岸牽情情未了  
白露初飄如淚影

千秋別恨恨難消  
紛紛雅士競相描

# 其二

回首天涯路正遙  
異域縈思懷往跡

灞橋柳色倍相撩  
今宵沉醉到明朝

西樓餞別情何限  
雙星似解騷人意

南海乘歸夢未消  
照澈詩心細細描

台北詩人郭湯盛于深圳辭世詩以悼之

一聽哀音劇可憐  
大節長留詩卷裡

潛聞笛韻倍悽然  
高風永繫夢魂邊

當年北市披肝膽  
放翁遺憾君猶是

今日南洲酌海天  
祇見河山缺未圓

黃鸞女史贈詩依韻奉和

愧難博古又通今  
閑觀隱隱青峰色

遯跡年來戀舊林  
靜聽潺潺碧水音

世上浮名如夢影  
卻喜故人消息在

山中朗月照詩心  
耐寒風骨最堪欽

檳城鶴山詩社卅週年社慶

弘揚道統五千年  
豪情直逼韓蘇外

卅載吟聲遍遠天  
警句窮追李杜前

越海鯤鵬矜氣壯  
萬鶴鳴兮風日美

凜霜松柏勵心堅  
喜看大纛正飄然

與友訪檳城

與君初度訪檳城  
迢迢客上天涯路

鷗掠長堤鳥正鳴  
款款情牽海角盟

月色宜人連岫色  
明日卻歸怡保去

濤聲促我唱詩聲  
愁看青嶂白雲橫

檳城植物園

一帶園林萬樹蒼  
靜看奔流聽籟韻

逶迤曲徑越高岡  
渾忘亂世歷滄桑

迎人眾鳥鳴聲遠  
四圍嵐氣層層湧

擾客群猴乞食忙  
動我詩吟興正長

# 檳城極樂寺

隱隱鐘聲入耳邊 巍巍梵宇現眸前  
 極樂從心因絕俗 長生有術合參禪  
 群峰遠覽千重影 一塔高擎萬仞天  
 聽經頓覺消塵慮 聊與山僧結淨緣

## 雲頂高原夜話

路轉峰迴不計程 登臨倏見岫雲橫  
 知己難逢耽好句 佳人相伴快平生  
 昨宵月色無邊美 今夜星光分外明  
 瑟瑟寒風度幾更

## 送別

南北環遊路正賒 重重山水罩煙霞  
 皎皎月明同雅潔 亭亭荷綻比清華  
 牽情卻有千條柳 作客渾忘萬里家  
 今朝驪唱人歸後 別緒何堪望海涯

## 台北國立故宮博物院舉辦張大千畢加索大師作品聯展

藝苑名垂兩大師 中西畫筆各雄奇  
 四海風從雲放彩 萬邦客至我題詩  
 畢翁寫意開今古 張老揮毫任騁馳  
 故宮盛事真堪頌 仗有秦公永護持

## 戊寅中秋感懷

萬里清輝照九天 酒邊微醉望雲邊  
 花好何如情更好 月圓轉覺夢難圓  
 西風瑟瑟催詩句 東海迢迢盼錦箋  
 年年此夕長相憶 極目煙波斷復連

謁台北龍山寺

又謁龍山古寺中 梵天一片正圓融 世多歷劫煙塵滿 客至忘機色相空  
霖雨無非皆法雨 秋風化作是慈風 隨緣禮佛匆匆去 自笑浮生類轉蓬

憑弔筠園鄧麗君小姐墓

憑弔筠園秋氣涼 嗟君一去萬人傷 高懷永比峰巒秀 大節長教草木芳  
魄化梅花猶傲雪 歌如海韻總迴腸 墳前低首徘徊久 何日重來嘆渺茫

遊墾丁國家公園

墾丁園裡正秋清 萬頃林陰萬鳥鳴 觀海樓高舒望眼 棲猿崖峻聽啼聲  
客從險陡巉巖過 我在嶽崎曲徑行 半日盤桓疑世外 西風拂暑最多情

遊鵝鸞鼻公園

不辭跋涉訪南陔 又見鵝鸞美景開 遠海茫茫飛白鳥 深林處處踏蒼苔  
秋如春至今逾昔 客似波騰去復回 更喜自由燈塔在 萬人歡唱自由來

馬英九博士當選台北市市長賦賀

浩蕩奔馳一馬先 收京破敵換新天 高才畢竟才無匹 大節從知節愈堅  
矢志圖強千里越 興邦策勵萬方傳 即今四海騰歡日 極目鯤瀛降紫煙

詠竹

萬綠叢林孰比清 夙稱君子早揚名 深山遯跡原無慮 雅韻催詩倍有情  
亮節只同高士伴 虛心不與俗流爭 四圍栽得千竿影 日聽蕭蕭戛玉聲

再憑弔筠園鄧麗君小姐

愛國誰如鄧麗君 今朝又弔美人墳 清高氣節全民仰 絕妙歌聲四海聞  
隱隱青山皆挺秀 潺潺碧水總流芬 芳魂試問歸何處 北望應猶萬緒紛

徐持慶詞長六十抒懷次韻

又見徐郎送綵箋 新詩賦就八方傳 何妨吐句三千首 來慶稱觴六十年  
亂世南移家國遠 故園北望夢魂牽 忘機轉覺胸懷闊 日看閒雲夜悟禪

其二

高軒過訪問何之 處處河山盡入詩 遊跡曾忘家萬里 探梅獨愛蕊千枝  
春江蕩蕩添籌日 風骨嶙嶙勝雪肢 舉目騷壇人有幾 天聲矢振仗相持

寄懷加拿大文疊山詩家

十年相憶會時艱 喜有音書共往還 紅葉國棲思漢闕 黃花節傲絕秦關  
夢迴九陌三湘淚 人隔重洋萬里山 南島待迎高躅至 但期來與住仙寰

敬悼檳城鶴山詩社社務顧問陳瑞祥詩翁

二十餘年共賦詩 劇憐世道黍離離 登樓極目悲王粲 流水知音遇子期  
遠海鷗盟肝與膽 平生風義友兼師 嚴冬一疾春難渡 笛韻悽悽不盡思

讀王光國詩翁遺作感賦

懷公訣別廿餘年 才氣真疑是謫仙 一世扶風揚正道 萬言倚馬出名篇  
摩挲寶墨懸崖上 弔影斜陽古洞邊 我憾遲生三十載 未曾相與策遊鞭

恩師李冰人博士逝世三週年祭

當年染翰永懷恩 誨語諄諄笑語溫 朗朗文光凌斗宿 巍巍師道出榴園  
才矜海闊胸間湧 氣壯詞雄筆下奔 墨跡長留和淚誦 雲山莽莽黯招魂

方大詞宗子丹先生九秩榮慶次龔嘉英詩家原韻

縱橫翰苑稱三動 偉論恭聆亦夙緣 海客獻觴漸落後 詩人愛國必憂先  
句如白雪心如潔 壽比蒼松節比堅 九十春秋猶未老 恰逢桃熟又千年

前中華學術院詩學研究所所長張定成先生七秩榮慶賦賀

爲國掄才仰此翁 不圖名利不圖功 行吟祇愛湖山裡 放曠渾忘天地中  
書法雄豪傳紙貴 詞章磅礴頌年豐 平生豁達超塵俗 畛域無分即大公

## 迎廿一世紀

廿一將臨世紀年 但期寰宇息烽煙 西方早譽民生重  
 異國異鄉盟異族 同心同德仗同肩 乾坤正氣憑相護  
 四海和平奮著鞭

## 台北與諸友雅集感賦

北台雅集是佳期 遠客歸來總未遲 方老吟詩猶激壯  
 遊春陡覺春風暖 寫景還看景色宜 海外知音朝夕伴  
 歐郎灑筆更雄奇 南天尚有故人思

## 陽明山賞春

遠上陽明路正迢 尋春有客興偏饒 千叢錦簇宜人駐  
 好侶伴遊原舊侶 今朝醉賞是芳朝 百花含笑鶯聲囀  
 似約重來細細描 一帶雲山望眼遙

## 敬悼詩書名家潘受先生

隨師往昔訪潘翁 海外相逢意倍融 萬首詩吟矜絕妙  
 高才早領騷壇上 寶墨長輝古洞中 忽報文星驚失墮  
 一枝筆走顯奇雄 遙天弔影雨濛濛

## 清明登山拜祭先父母

清明拜墓又今朝 霹靂聲聞峻嶺遙 千載業開三世證  
 椿萱德重恩尤重 兄弟名標節更標 請看洞天成寶藏  
 萬莊臺望五雲飄 紛紛客似大江潮

山城詩社第六屆理事就職並舉行春宴雅集

結社年來氣自昂 山城一幟正飄揚 紛紛墨客翩翩至 嬾嬾春風陣陣涼  
對酒彌因邀素月 題詩幾見出紅粧 醉酣聊與同歡唱 唱遍歌聲徹海疆

北上檳州途中得句

北上檳州作講師 春風送客樂何之 千重山水迢迢過 萬丈雲霞片片隨  
詩有性靈通往哲 境開空闊勝當時 吾儕奮起豪情壯 浩唱聲聲動遠陲

寶島長春

四季長春草木芳 中華國土豈尋常 南溟世頌風光美 東海波騰氣勢昂  
眼看九州還蟄變 天教一島正鷹揚 自由堡壘輝壇玷 壇玷應嘉道義彰

題霹靂洞前雅石

名山有石見嶙峋 何處飛來記不真 四面叢林添雅趣 十分美景伴高人  
盤根最愛松爲友 挺節尤欽竹是鄰 我似米翁甘下拜 無言相對亦傳神

初夏寄懷

岫雲片片掠重霄 夏日炎炎又幾朝 垂柳迎風涼氣繞 斜陽帶雨晚霞飄  
採蓮歌唱人難至 遊跡情牽意未消 獨對樽前誰與醉 祇餘弦月伴幽寥

## 己卯詩人節感賦

大夫正氣兩間存 蒲艾香浮遠處奔 湘水無情沉浩魄 馬邦有客弔忠魂  
問天可奈天難助 去國何堪國亦昏 千載至今遺恨在 秦關待破拯元元

## 和答黃晚香博士

長憶黃公夢海瀛 句如山谷孰能京 高懷絕俗盟騷客 晚節彌堅譽滿城  
島嶼縈迴波浪湧 詩人浩唱酒杯傾 頻年世局風雲變 到處愁聽鼓角鳴

## 賦贈妙華堂主人梁振康畫家藝展

幾得相邀涉遠涯 畫壇又見一名家 清才早譽多清思 妙藝今傳出妙華  
萬片飛霞紛渡海 滿堂灑筆競生花 憑君到處揚風雅 寫遍河山興正賒

## 敬悼鶴山詩社孫德欽社長

幾日纔臨病榻前 艱危一疾劇堪憐 嗟君難渡塵中劫 觸我悲吟海外天  
馭鶴何堪辭鶴嶺 望雲可奈逐雲煙 荊園留得詩千首 忍讀遺篇倍愴然

## 山居寄懷

一水天涯兩地思 幽棲轉覺會難期 山中細雨催題句 窗外靈猿聽唱詩  
望處祇緣雲蔽眼 牽情又見柳飄絲 連宵夜幕低垂後 空盼知音對酒卮

敬悼香港曾后希畫師

三湘才子早名揚 筆挾風雷意氣昂 千載縱橫超絕畫 萬方仰望大觀堂  
晚年境已開今古 夜宴圖還逼晉唐 海外懷公聞噩耗 幾回弔影立斜陽

過檳城極樂鄉弔陳瑞祥詞長

旅邸相鄰極樂鄉 幾回路過此徜徉 高人當日吟懷壯 遠客今朝弔夢長  
廟宇沉沉聲寂寂 詩魂渺渺海茫茫 陳公別後孫公去 猿鶴悲鳴草木傷

題檳威大橋

檳島遠瞻分外嬌 旗峰高聳入雲霄 道通北海無雙景 氣壓南天第一橋  
四面鷗翔迎送客 千檣影逐去來潮 朝霞片片長輝映 絕似虹光萬里遙

登檳城升旗山

絕壁攀登氣自豪 天然畫境屬吾曹 高峰挺立千秋柏 遠海奔騰萬頃濤  
目送浮雲閒放蕩 心隨野鶴任翔翱 崖前攬盡群山小 舒嘯聲還徹遠皋

海峽兩岸紛爭感賦

戰氛海峽亂如麻 箕豆相煎萬眾嗟 兩府終須連兩岸 齊心畢竟是齊家  
興邦應惜山河整 分道堪憐歲月賒 祇有平權民主政 定將統一大中華

賦贈鶴山詩社諸吟侶

經年海角會群賢 祇結詩緣並酒緣  
陳翁已證登仙去 孫老何曾駕鶴旋  
作賦無才才自淺 但願吟儔相惕勵  
扶風有志志彌堅 矢將大纛壯南天

讀郁達夫詩鈔感賦

詩格清新分外奇 半生倜儻令名馳  
愛國篇成傳激盪 毀家句誦嘆流離  
多情不遜李商隱 騷壇若論真才子  
綺思還如杜牧之 六十年來孰可追

哀台灣地震

夜半震聲動遠陲 百年城鎮盡功虧  
舉世同驚嗟浩劫 亡魂有恨認殘肢  
山崩地裂群樓塌 可憐日月潭中水  
雨泣天昏萬庶悲 一片紅漪染碧漪

己卯中秋感賦次張白翎詞長原韻

故交有約未曾過 風雨瀟瀟可奈何  
長天渺渺鴻光少 遠域茫茫海氣多  
此夕悲歡分異國 半夜懷人同落寞  
劇憐寶島起悲歌 中秋待月共消磨

張白翎詞長八四初度依韻奉賀

遙聞蓬島稱觴日 才淺難成錦繡篇  
世間人海離還聚 天上蟾光缺復圓  
我自疏狂爲酒客 最是平生多放曠  
君原超逸結詩緣 五湖遊跡一帆懸

己卯雙十節感賦

又當雙十逢佳節 四海羈人感慨同  
去年北市天涵碧 今日南方血染紅

地震無情成浩劫 百萬軍民齊奮起

客歸有淚望哀鴻 中興矢振漢家風

賦贈陳開蓉畫家

別有風華不染埃 碧波蓉美送香來  
豪興十分遊萬國 慈懷一片繫三臺

樽前婉雅歌聲響 山城畢竟多詩意

筆下縱橫畫境開 攬勝何妨去復回

大馬詩總己卯重陽雅集

九霞遠接九秋陽 舒嘯聲聲引興長  
花如紅袖雲如鬢 酒滿金樽月滿堂

落帽風高傳軼事 看取霜前黃菊傲

題糕韻險出瑤章 矢將吾道共弘揚

檳城藝協詩詞組成立廿七週年紀念次周子善主任原韻

山居遯跡自年年 踐約檳江會眾賢  
感時曾醉三千日 警世還須十萬篇

雲氣盪胸豪興發 濤聲入耳俗情蠲  
廿七春秋憑砥柱 高吟響徹月中仙

高山流水

家住山城山外山 岫影迷濛成畫境

山中歲月自悠閒 谷聲隱約繞仙寰

遙瞻冉冉青雲過 靜聽潺潺碧水環  
塵囂遠隔知音少 猿鶴來兮共往還

賦贈楊善深畫師

群峰遍處舞雲霞 爲迓高才興正賒 一筆雄奇揮萬象 十分靈秀冠千家  
 山中灑墨山逾壯 月下論詩月不斜 今日藝壇齊放彩 嶺南畫派耀中華

廖一瑾博士編著台灣詩史

台灣詩史意無窮 妙筆憑君著述功 明末群英扶漢祚 清初眾士振唐風  
 鄭家父子聲威壯 丘氏詞章氣勢雄 三百年來傳萬券 至今遺韻耀寰中

賦贈江蘇省李金良畫家

遨遊兩度訪山城 岫色雲光分外明 君向南洲揚畫藝 吾從北國結詩盟  
 眼前景攬懷何暢 筆下花開鳥正鳴 卻喜新知如舊識 連宵風雨酒杯傾

寄懷台北春人詩社廖從雲社長

寶島歸來繫夢長 記曾縱酒笑清狂 深居洞府群巒繞 遠憶梅庵萬蕊香  
 報國心懷常耿耿 感時句誦更堂堂 春風吹遍神州去 結伴高歌下大荒

寄懷

幽居孰與聽吟聲 祇有浮雲嶺上橫 相聚緣慳緣尙續 自憐夢醒夢還縈  
 梅同雅秀冰同潔 蘭比芬芳玉比清 小別堪嗟如隔歲 詩人自古最多情

千禧元旦

又當元旦好風吹  
花含笑矣春光美

曉月初潛白日馳  
山屹雄兮景色奇

一片歌聲傳四野  
歲轉天開新世紀

九霄雲彩耀千禧  
萬方終見太平時

世界各國博物館珍藏歐豪年教授作品閱後喜賦

歐郎遠遞畫圖來  
秋山隱約雲中現

展卷爭看亦快哉  
春景氤氲筆下開

海外群朋稱絕妙  
卻喜右丞詩意滿

嶺南一派更雄恢  
縱橫壇坫是奇才

賦贈霹靂州行政議員拿督黃家泉居士

幾回高閣一瞻韓  
經傳早已稱居士

國事常懷見膽肝  
德重今逾頌達官

行政不辭雲路遠  
爲約洞天同煮茗

親民轉覺仕途寬  
好攀峰頂看煙巒

賦贈周慶芳博士

弘開道統不曾撓  
揚風浩唱唐朝韻

晚節如筠氣尚豪  
亂世悲吟楚國騷

壽比金山連皎月  
天地有情留碩果

才如蕨水湧奔濤  
同瞻祭酒共揮毫

庚辰新春感賦

一帶晴光罩滿林  
雲氣遙連千里壯

鶯啼遍處聽清音  
詩聲激起萬龍吟

萋萋花影如迎客  
但期銷盡兵塵劫

嫋嫋春風正豁襟  
何用桃源世外尋

# 檳城鶴山詩社庚辰元宵雅集

遠從檳島度元宵 燦燦燈光興倍饒 月出騰輝星影動 客來攬勝岫雲飄  
紅粧侍宴添春酒 碧海多情漲晚潮 此夕相逢嫌夜短 匆匆明日又攀條

## 登極樂寺瞻仰百尺觀世音像

鶴嶺登臨氣勢昂 來瞻勝景不尋常 千叢樹影連山影 萬丈嵐光即佛光  
遙望巍巍菩薩現 微聞隱隱梵聲揚 浮生到此清幽境 省識慈航渡遠洋

## 登霹靂洞山頂萬莊臺

萬莊臺上萬重雲 籟韻居然遍處聞 夕照茫茫餘澹澹 晚霞片片落紛紛  
心能超逸詩能放 山自空靈草自芬 我在高峰參造化 彷彿仙境絕塵氛

## 旅台二首

訪舊真如一雁歸 故交相伴入斜暉 春來探勝風猶急 雨阻登高願已違  
雅客論詩憑薄酒 佳人問訊送寒衣 迢迢但見鷗波闊 幾得偷閒暫息機

## 其二

春風送客到天涯 寄跡蓬瀛興正賒 酒醉留人還對酒 花開夢筆又生花  
遊蹤霧繞山能掩 覓句宵深月已斜 千里相逢珍重意 南溟遠隔不須嗟

## 國民黨政權痛失感懷

孫蔣功高一代賢 獨夫背道豈能傳 那堪舊恨添新恨 可奈藍天變綠天  
風雨飄蕭雲彩散 黨魂搖搖落廟堂捐 百年大業憑誰挽 淚灑三民主義篇

## 國府遷台五十年感賦並柬全球同志共勉

國府遷台憶昔年 群雄抗敵志彌堅 臥薪半夜還嚐膽 返旆三軍誓並肩  
遍築環疆千壘壯 宏開大道萬方傳 自從激戰風雲歛 海不揚塵隔遠天

## 其一

蔣公哲嗣志高昂 矢踐圖強國運昌 十建功成才磅礴 萬民歌頌氣汪洋  
興邦有策群情仰 善政無私四海揚 一片雄心扶社稷 至今遺愛播遐荒

## 其二

豎子當權是禍胎 居然狂妄險招災 幾枚導彈驚群庶 兩國論言爲獨台  
枉作抗秦跨世紀 不求輔漢濟時才 忠貞有士紛紛散 海宇難期障霧開

## 其四

憂患年來感慨同 青天變色恨無窮 江山一夜歸新主 淚雨連宵泣晚風  
寶島愁看雲暗暗 慈湖怒湃水濛濛 黨人恥辱終須雪 光復相期再建功

## 賦賀光華日報九十週年紀念

孫公幾度下南洋  
讜篇歷歷聲名著

革命當年志更昂  
正氣堂堂道義彰

故國河山悲板蕩  
九十春秋開世紀

新天日月耀光芒  
鯤鵬躍起看飛揚

## 偶成

九十春光去不回  
寶島難迎騷客至

當時醉眼幾曾開  
香江佇盼故人來

白雲靄靄依樓畔  
湖山最是多詩意

青鳥迢迢度海隈  
作伴行吟亦快哉

## 哦詩爭起萬人吟

愛聽騷壇戛玉音  
攬勝宏觀千里外

彌因盪氣豁胸襟  
哦詩爭起萬人吟

雲遊蹤跡忘朝夕  
唐風浩蕩終須護

世變浮沉論古今  
四海敦盟一片心

## 泰京林耀畫家吉隆坡藝展

爲迓林公訪馬京  
容我題詩詩放逸

天開五彩接雲程  
更誰灑筆筆縱橫

群山隱隱如迎客  
嶺南畫境何超絕

雙塔巍巍以證盟  
挾盡風雷萬籟鳴

## 陳光師書畫家逝世十週年祭

十年訣別憶陳郎  
招魂渺渺雲天遠

墨蹟重瞻倍感傷  
弔夢悠悠歲月長

腕底河山涵逸韻  
往昔風流如一瞬

畫中裙屐出新粧  
故交兩鬢亦添霜

賦贈拿督余智瑞詞長

經年別後憶高賢 一水迢迢雅誼牽 怡市曾爲三日客 殊方又遞萬言箋  
題詩好化寰中劫 絕俗真成世外仙 更喜慈風吹不斷 南洲處處頌聲傳

過檳城訪舊並呈黃晚香博士

乘風北海看奔濤 四面樓船逐浪高 遠岫重重憑覽賞 閒鷗處處任翔翱  
騷壇輩出群才盛 耆宿人尊一世豪 酩酊何妨酬雅侶 九霄明月伴揮毫

賦贈呂佳珍畫家

曾向京華結墨緣 又從怡保賞嵐煙 名山寄跡閒情逸 古洞聞鐘俗慮蠲  
興至談詩還論畫 歌酣縱酒復題箋 南來北往尋幽勝 不辨芳蹤何處邊

庚辰中秋前寄懷

幾曾相聚住山城 別後常思訪玉京 寂寂晚從青嶂隱 悠悠日看白雲橫  
經年繾綣三更夢 連夜縈迴五內情 正是月圓佳節近 海天吾欲馭風行

古晉行四首

古晉重瞻氣概昂 即今舊貌換新裝 巍巍塔勢穿雲際 滾滾河流入海疆  
縱酒何妨三日醉 放歌轉覺幾分狂 多情秋月常隨我 祇愧難成錦繡章

其二

盤迴曲徑幾多彎  
翠圍小鎮風光美

爲愛秋聲往復還  
碧映平湖樹影環

東渡迢迢千里路  
一瞥清新如畫境

西連隱隱萬重山  
征途未許此偷閒

其三

走馬重遊走馬崗  
故舊留人情更洽

廿年往跡又徜徉  
親朋對酒意偏長

雞聲歡唱迎高士  
萍蹤可奈匆匆別

江水奔騰過大荒  
無限清幽是此鄉

其四

西馬重來東馬遊  
遠域懷人音訊杳

桂花香裡度清秋  
遙天望月海雲稠

行蹤最愛青山伴  
等閒空負團圓夢

臨渚還邀白鳥儔  
杯酒頻添幾許愁

霹靂洞鐘樓落成紀念丹斯里拿督阿瑪黃文彬先生

晉江毓秀出高賢  
功垂偉略千秋頌

矢起輝煌歲月延  
德嫻名山萬古傳

愛族胸懷原坦蕩  
若問流徽何所似

興邦志氣更昭然  
鐘聲響徹九重天

題霹靂洞鐘樓鼓樓

南北樓高出晉唐  
樹影依人人俯仰

更教霹靂洞名揚  
柳絲牽客客徜徉

數聲鐘鼓傳天際  
梵音嫋嫋超塵俗

一帶雲山接海疆  
催促登臨伴佛光

蔡念因詞長八七生朝遣懷次韻賦賀

客裡稱觴又一年 弘揚藝事著鞭先 山光碧映詩窗外 霜葉紅添畫苑前  
雅士多情留逸韻 宜樓舊夢記因緣 杖朝道遠身逾壯 大德還兼大節堅

蔣子健吟友贈詩依韻和答

卅年作賦繼前賢 卻喜薪傳道亦傳 遠海遨遊因放曠 深山隱讀本超然  
興吟愧乏籠紗句 撥亂慚無警世篇 舉目騷壇多俊秀 唐風共振快當先

賦贈沙巴拿督林源意詞長

翰苑敦盟眾士從 如君坦蕩豁心胸 夜吟唐韻超千首 日對神山第一峰  
嵐氣飄隨秋氣爽 嶺雲穿掠海雲重 年來佇盼高蹤至 月下敲詩興倍濃

寄懷詩巫程光利詞長

詩人祇合住詩城 隔海嚶鳴證雅盟 虛度幾回明月滿 閒觀萬疊遠山橫  
吟篇夙已承雙李 重道今逾續二程 踐約相逢期可待 與君載酒放歌行

暮秋偶感次譚雪影原韻

年年菊綻競吟秋 秋暮秋隨逝水流 曾負知音遊海角 爲尋好夢醉江頭  
雨聲催句風聲促 花影依人月影留 遯跡名山長自在 世間亦自有仙洲

奉題梁振康藝術作品集

藝海縱橫數十春 高才絕俗轉清新  
興來揮寫花含笑 境入空靈筆有神  
北望河山常繫夢 南遊蹤跡復傳薪  
風行一卷超時代 瀟灑如君孰比真

劉作雲詞長七十抒懷次韻賦賀

羨君妙手可回春 處處爭傳濟世人  
放逸每隨雲氣伴 行吟獨愛杏花鄰  
詩懷磊落通今古 世道浮沉歷苦辛  
日看閒鷗穿遠海 海天空闊自由身

其二

七十從心境界新 一園菊笑慶嘉辰  
騷人祇以詩爲貴 仁者由來道不貧  
覓句常行千里路 懸壺好度百年身  
秋高月滿稱觴夜 勝比氤氳爛漫春

山中曉景寄詠

何用雞鳴報曉更 山中習靜寄幽情  
依樓月影連星影 催夢鐘聲並鼓聲  
遠覽心隨雲外度 高吟步向柳邊行  
鶯啼四野如相喚 莫負天涯萬里盟

遊龍頭巖賦贈李明芳主持

爲訪玄門紫氣融 宛然步上太清宮  
已無蝠竄靈巖內 尚有龍蟠仙境中  
詩客尋詩詩入妙 道人論道道何窮  
丹爐坐對樽開夜 嬾嬾輕煙透碧空

辛巳新春感賦

花落花開又一年 花迎雅侶競芳妍 雲移屢伴嬉春客 鶯唱頻催賀歲篇  
歷劫東南猶亂局 紛爭西北尚蠻煙 昇平處處期相待 大地河山缺復圓

觀賞歐豪年大師神州寫生傑作

墨韻縱橫氣勢宏 才如三峽更誰爭 鐘聲夜聽寒山寺 雲海朝看白帝城  
一派雄奇名遠播 卅年豪放事長征 羨君夢筆生花久 故向神州萬里行

謁中正紀念堂感賦

抗敵當年震亞東 雄才早已萬方崇 大中至正功猶著 浩魄長昭道不窮  
千里波翻悲世態 四圍花落怨春風 臺澎金馬軍民在 幾許人來謁蔣公

台北國父紀念館展覽岳武穆書出師表閱後感賦

千古文章動五中 出師一表矢精忠 孔明挾策胸懷壯 武穆揮毫氣概雄  
時局愁看三鼎立 江山難復九州同 更誰匡濟承先哲 漢祚重恢再建功

台北國父紀念館展覽永樂宮勝蹟壁畫

勝蹟初瞻永樂宮 重重殿宇接長空 世多劫數煙塵滿 我與神仙境界通  
紫氣充盈天地外 玄門教化古今同 凡間利祿功名事 都在黃梁一夢中

有贈四首

溯從東海訪南天  
人歸渺渺三千里

來向名山證雅緣  
夢綰依依十八年

共話鄉情思故國  
彷彿參商長隔別

同耽翰墨賦新篇  
音書盼斷夕陽邊

其二

曉風雨過聽雞聲  
燈前薄酒添詩意

星月潛形已五更  
海外征途動客情

遠憶桃潭春水滿  
卻喜投瓊音婉婉

獨居山舍岫雲橫  
但期相與證嘉盟

其三

獨倚層樓又幾宵  
隱隱情懷緣尙續

山長水遠路迢迢  
翩翩風範筆難描

九霄雁影穿雲影  
何時再向藍橋去

一片心潮接海潮  
祇有伊人慰寂寥

其四

隔海佳音吐語真  
作客渾忘千里路

不辭遠涉度嘉辰  
盟情轉覺十分春

昔從關渡尋芳澤  
幾回短聚南歸後

今向龍潭訪舊津  
猶是天涯繞夢頻

衛塞節感賦

九霄又見一輪圓  
身居塵裡終成劫

聖哲降生記昔年  
佛在心中即是禪

辭國辭家修正法  
鐘鼓聲聲敲夢醒

度人度世說真詮  
西天頓悟接南天

衛塞節適逢陽曆弧辰感賦

今年與佛度生辰 三世緣深信有因  
雲遊每作逍遙客 猿嘯常隨自在身  
久住名山能絕俗 悟得本來無我相  
待看滄海不揚塵 無嗔無怨樂天真

懷念愛國詩人易君左教授

易家父子世稱奇 賦筆能追李杜詩  
南遊最愛名山住 北望頻添故國思  
兩度迎君曾聽誨 三十年來恩尚在  
幾回授課合尊師 遺篇檢讀不勝悲

登檳城阿逸依淡水壩

曲徑逶迤景自幽 猿啼喚客上高丘  
遊跡漫隨玄鶴遠 忘機且看白雲浮  
波光激盪山光媚 樹色蔥蘢草色柔  
清風吹拂宜人駐 度岫穿林夕照收

李德超教授題霹靂洞次韻和答

洞天處處顯輝煌 佛化氤氳五色光  
仰觀鶴影穿雲影 俯瞰山莊接水莊  
一帶晴巒連遠域 十分美景動遐方  
卻喜迎君題壁後 尋幽曲徑又迴廊

敬悼黃磻溪詞長

騷壇星殞不堪聞 纔弔潘翁又弔君  
耽吟每得籠紗句 養晦常看出岫雲  
兩代詞章爭吐秀 卅載忘年肝膽照  
滿園桃李競揚芬 忍聽笛韻入斜曛

## 登霹靂洞絕頂萬莊臺花雨亭

登峰最愛夕陽斜 絕頂重重樹影遮 一徑花飛千尺雨 萬莊臺接九霄霞  
 放眸陡覺雲山遠 寄跡渾忘歲月賒 何必迢迢靈鷲去 此間疑是梵王家

## 賦贈許崢嶸詩翁

澹廬曾訪老詩翁 居住大年大德崇 我向騷壇昌韻事 誰如隱叟濟時功  
 愁看世局滄桑變 奮寫詞章慷慨同 九四遐齡猶矍鑠 雲遊處處起春風

## 馬來西亞詩詞研究總會成立廿六週年暨

## 第廿七屆全國詩人辛巳重陽雅集

登高又值豔陽天 一帶金山翠色聯 猿嘯爭迎千里客 詩吟競寫萬行箋  
 盟情舊雨兼新雨 正道前賢並後賢 佳節相逢同有感 插萸峰頂亦機緣

## 辛巳重九南馬金山雅集

金山遠望白雲遮 此日登臨興正賒 千仞峰迴千尺瀑 九霄雁掠九秋霞  
 騷人競賦風雷動 絕頂尋幽樹影斜 寄跡真疑仙境裡 渾然頓覺樂無涯

賦贈台北黃磊生教授

磊落胸懷海外傳  
黃郎早已共稱賢  
花雨亭中題妙句  
洞天崖上嬾輕煙

一枝筆灑山河景  
三秋氣爽重來聚

千里情盟翰墨緣  
醉裡高吟月皎然

夢迴二首

山隔千重水萬重  
數點星辰隨過客

昨宵夢裡始相逢  
幾行楊柳伴行蹤

未因睽隔情疏遠  
醒來恍悟經年事

轉覺依偎意倍濃  
錦字長教五內鍾

其二

當時酒醒倍幽寥  
連天繫夢重洋隔

似過藍橋又灞橋  
數載牽情兩鬢凋

遙聽雁聲迴海嶠  
爲約秋高秋興好

遠瞻月色出雲霄  
乘風來與醉良宵

秋雨寄懷海外知音

夜幕低垂夕照殘  
但覺人生天地窄

登樓極目又憑欄  
何如鷗掠海雲寬

山容山色山嵐澹  
年時遠域懷知己

秋雨秋風秋氣寒  
更待相逢醉始歡

壬午新春寄懷海內外知友

蛇年遯跡馬年來  
人居海國鷗波遠

喜見河山障霧開  
眼望天涯詩興催

入夢紅梅飄嶺上  
且託東風傳雅誼

嬉春黃鳥唱林隈  
聲聲喚與醉香醅

不才當選馬來西亞詩詞研究總會會長

劉作雲蔣子健詞長賦詩致賀次韻以答

新紀新風新境界 又觀滄海變桑田 鳳來鳴唱聞今日 道可弘開繼昔賢  
賦筆直追千古韻 感時奮寫萬言箋 相期矢把狂瀾挽 大漢聲揚徹遠天

其二

卅年翰苑猶馳騁 願以詩書度此生 挺節長爲松竹侶 忘機祇結鷺鷥盟  
山中變化觀雲彩 海上飛迴聽雁聲 管領騷壇憑眾志 直須奮起壯鵬程

台北教師會館雅集賦呈座上諸君子

兩年雙十負歸期 北市重逢慰客思 千里青山如錦繡 一輪白日耀旌旗  
雄心永護金甌固 大道弘開碧海陲 共策中興同有責 萬邦爭頌漢威儀

過檳城賦贈鶴山詩社諸君子

一輪旭日照荒陲 百里長途越海湄 樹影千行紛挺秀 天雲萬頃伴飛馳  
鶴鳴已聽聲逾壯 鷗唱還聞韻轉奇 幾得相逢同聚首 更期春節醉瓊卮

檳城鶴山詩社壬午新春雅集

春日春光春色妍 奮鞭快趁馬兒年 詩聲響徹千重浪 海氣奔騰萬里天  
且莫傷時悲世局 矢將正道息烽煙 上元已近迎佳節 花漸芬芳月漸圓

敬悼朱昌雲詞長

忽聞噩耗信還疑 來弔文壇一代師 四海遊蹤常放曠 萬言倚馬更雄奇  
如君澹泊胸懷逸 似我蹉跎歲月馳 從此雲心軒外過 路旁仰望總興悲

竺摩恩師上人圓寂輓詩

錫飛到處仰慈雲 九十春秋一夕分 雁蕩高峰悲失主 猿攀峻嶺哭殘曛  
度人三慧三生證 警世萬篇萬里聞 南島曼殊才氣盛 詩書畫藝永流芬

羅濟賢詞長八十初度依韻奉和

一帶青山斷復連 懷君遠望白雲邊 仙居桃熟三千歲 海屋籌添八十年  
賦筆堂堂窮古代 遊蹤處處見新天 難能最是稱觴夜 雅侶紛紛獻百篇

歲暮感懷

寂寂唯看夜半燈 懷人獨上最高層 朗如秋月清如雪 暖似春風冷似冰  
遠望難爲千里客 幽居恰比一山僧 年時綺夢多成幻 落寞徒教歲又增

# 謁台北臨濟禪寺追思白聖上人

飛錫南洲卅載前 白公說法妙無邊 鶴山變作清幽境 檳島化成極樂天  
 世俗群生蠲俗慮 道高萬丈媲高巔 紅塵歷劫人間苦 乘願何時再結緣

## 台北市大同國中校園晨運偶成

一片晴光顯氣融 客來晨運興無窮 滿園朗照雲霞彩 四面輕飄桃李風  
 白日旗陞歌壯志 紅棉花放出英雄 中華兩岸炎黃裔 策勵相期進大同

## 全球漢詩總會第八屆壬午新加坡詩詞吟誦與研討大會

喜見騷壇道未窮 起衰還仗繼韓公 紛紛筆陣賡唐韻 浩浩詩聲振漢風  
 正氣天教中外盛 高才輩出古今崇 星洲三日群賢集 萬點星光耀碧穹

## 壬午詩人節感賦

一度端陽一愴神 南溟水接楚江濱 河山遠望情懷綰 蒲艾香浮物候新  
 萬頃煙波沉浩魄 千秋氣節弔忠臣 詩人憂國傷時感 孰比成仁取義身

## 慶祝台北春人詩社成立五十週年

結社悠悠五十年 弘開道統仗群賢 豪情奮寫千秋句 正氣充盈萬里天  
 胸境能寬唯放跡 詩心不老即神仙 今朝盛會聲名遠 兩岸氤氳遍紫煙

登霹靂洞絕頂

萬緣亭接萬莊臺 景勝蓬萊畫境開 一帶晴光延谷壑 十分靈氣滌塵埃  
懸崖猿嘯迎人至 絕頂風吹拂面來 更向雲山深處去 欲隨仙侶共徘徊

高君來怡重遊

重逢何幸住怡城 共敘幽衷倍有情 山外看山山萬疊 月明對月月三更  
如君風采爭春色 似我詩心越海瀛 幾日伴遊南北去 依依怕聽是歸程

與高君作檳島之行

聞君海畔夢常縈 十載重來檳島行 月色臨窗開畫境 濤聲拍岸動詩情  
風吹遠覽雲山淨 春暮遙看草木榮 有限光陰無限意 連宵杯酒話生平

檳城藝術協會會長許偉乾先生壬午鑽婚喜賦次韻以賀

任彼匆匆歲月過 耄年能舞亦能歌 心無畛域臻高壽 人似神仙住大羅  
海氣歡騰雲氣藹 鸞聲鳴唱鳳聲和 許郎不老天難老 藝苑長教韻事多

劉作雲詞長大著各領風騷數百年奉題

翰海探驪道不窮 宛然夏日起春風 十家賦筆揚千載 一卷傳神動五中  
世局興懷朝代異 詩人愛國古今同 多情最是無題句 別有靈犀慨斷鴻

女詩人朱玫茵書法個展次林壽山詞長原韻

浩渺煙波萬里聯  
放眼寰中能悟道

南天遠望彩雲仙  
寄情物外亦參禪

心如朗月才如錦  
詩書並擅人稱羨

墨似奔濤筆似椽  
壇坫名揚出慧娟

台北李德超教授與廣州陳強主任

率文化訪問團蒞臨賦此以迎

爲迎遠客訪南天  
新秋雁掠三千里

禮續陳蕃下榻延  
故國情牽四十年

鯤島文風承道統  
碧海青山皆放彩

羊城方誌出瑤篇  
漢家奮起共揚鞭

壬午重陽霹靂洞登高感賦

霹靂天聲響似雷  
白日放歌豪氣壯

峰巒縹緲勢崔嵬  
黃花插鬢笑顏開

西風勸客登山去  
幾曾仙境重陽會

北雁隨秋帶訊來  
聊與神仙對酒杯

檳城孫中山先生博物館

研究中心落成感賦

革命思潮遍亞東  
一世豐功昭白日

幾回檳島策群雄  
千秋浩氣塞蒼穹

劇憐家國時偏苦  
孫公主義全民仰

誓復河山志不窮  
兩岸相期進大同

檳城藝協詩詞組壬午重陽

雅集次周子善主任原韻

風流且效孟襄陽 世道升沉不用傷 萬片閒雲隨客路 九秋涼氣盪詩腸  
山行靜處心能靜 酒到狂時句轉狂 此日登高同勵節 勁如黃菊傲嚴霜

壬午重陽登霹靂洞山頂萬莊臺

次徐持慶詞長原韻

群山霧散一峰開 九日登高攬勝來 古樹巍巍猶挺立 浮雲片片任飄迴  
詩聲唱處猿聲嘯 人影行時鶴影陪 絕頂氤氳靈氣盛 萬莊臺是望仙臺

再疊前韻寄懷

落寞情懷鬱未開 南天佇盼故人來 山中瑟瑟寒風起 夢裡迢迢倩影迴  
錦字何曾憐獨醉 秋聲不斷促相陪 那堪重九重洋隔 別緒愁登百尺臺

劉恩齊畫家藝展

萬象揮成萬象新 畫壇才女孰堪倫 菊開籬下能超俗 蓮出波中不染塵  
北國曾描三月景 南洲始見十分春 翩翩蝶似莊生夢 陡覺題詩筆有神

## 賦贈陳開蓉畫家

迢遞京華幾度來 藝壇喜見出高才  
 婉婉聲如黃鳥唱 亭亭影似碧蓉開  
 羨君雅興揮千幅 無緣此夕論詩畫  
 笑我豪情醉百杯 何日重遊山水隈

## 檳城尋夢園酒廊對飲

檳江訪舊意如何 不讓光陰一瞬過  
 三杯酒對天邊月 萬里情隨海上波  
 尋夢園中尋綺夢 聽歌臺畔聽清歌  
 可奈伊人分別後 離愁卻比暮雲多

## 寄懷

燕京別後會無期 空盼佳音苦費思  
 月圓月缺增離緒 雲去雲來望遠陲  
 山色茫茫寒氣繞 松聲稷稷冷風吹  
 爲遣殷勤青鳥使 好將消息報相知

## 壬午歲暮感懷

急景凋零歲又殘 一年往事幾曾歡  
 夢裡牽情人易老 酒邊離緒意難安  
 眼觀世道朝雲變 月照山樓夜色寒  
 但期春至春風起 吹盡煙霾天地寬

## 吳超亮詞長贈詩奉和原韻

才子虛名吾自愧 茫茫翰海幾豪雄  
 半世窮經情未減 卅年覓句意難聰  
 天高遠望重霄月 歲暮寒吹萬里風  
 與君本是苔岑誼 對酒敲詩興倍融

台北林壽山畫家六十初度奉和

墨彩真如萬丈虹 藝名早播海雲東 江山可助才逾俊 今古能融道不窮  
孰比傳薪桃李盛 誰如作賦歲時同 稱觴有子聯輝日 六十年間譽正隆

寄懷

一別真成一水分 等閒無日不思君 燈昏夜聽三更雨 酒醒朝看萬片雲  
皎似蟾光懷倩影 清如梅萼散清芬 那堪半載常相憶 無限離愁意緒紛

癸未新春感賦

送去殘冬接好春 春來陡覺最宜人 漫天淑氣風光美 遍地清輝景色新  
佇看三陽能啓泰 但期四海不揚塵 行吟祇愛依山水 野鶴閒雲伴此身

癸未人日抒懷次陳素霞女史原韻

天開人日景光明 人日相邀倍有情 客裡欣聞鶯燕語 樽前醉聽管絃聲  
十分春賞宜群彥 一夕詩吟動滿城 麻水騰歡如報訊 即今世界慶昇平

台北春人詩社廖從雲社長米壽述懷奉和原韻

仰公澹泊詩心逸 頤養天年自在身 海國傳經長化雨 梅菴寄跡不沾塵  
愁中每嘆寰中劫 客裡常懷夢裡人 冬去春風吹嬾嬾 一番覓句一番新

## 其二

當年宦海馭風行  
一生爲國胸懷壯

漢祚匡扶百感生  
半夜聞雞劍氣橫

大義由來標大節  
老去猶思興社稷

虛心從不愛虛名  
至今耿耿有餘情

## 其三

先憂後樂幾人同  
傷時早已匡時久

德望真同日正中  
衛道何曾怨道窮

四海敦盟群彥頌  
至善如公臻大壽

十分正氣九霄沖  
紛紛雅士賦葵衷

### 成都市國際桃花節余與舍弟韻山受邀舉辦詩書畫展

天府行吟第一回  
且向蜀中尋舊侶

滿城春氣挾風雷  
更從花下醉新醅

千林鳥唱千山響  
遠聞三峽濤聲促

萬樹桃開萬客來  
賦筆憑誰獨占魁

### 癸未元宵感懷

霏霏夜雨過元宵  
關山北望千重障

此夕樓頭倍寂寥  
海氣南侵萬里遙

舊夢已成空幻影  
幾得團圓花月好

新愁猶逐去來潮  
離情不斷酒難消

### 九日登高憶故鄉

九日登高憶故鄉  
夢裡青山猶挺秀

經年海客話滄桑  
霜前黃菊正飄香

天開八景詩情動  
數聲雁叫催歸去

序入三秋氣候涼  
泛棹長潭月照觴

檳城鶴山詩社主辦癸未秋宵全國詩人雅集

又聽鷗吟遍水隈 鶴鳴山上共飛迴 島中秋色連霄起 海外詩聲逐浪來  
亂世豈無匡世策 傷時必有濟時才 把杯慷慨豪情壯 筆陣縱橫正氣恢

孔聖誕辰感賦並呈諸詞長正和

至聖何殊白日悠 經傳列國著春秋 傷麟逝矣誰能識 怨道窮兮孰解憂  
教義已隨時代盛 儒風猶是古今侔 休嗟世界紛爭擾 禮運一篇匯萬流

敬悼黃晚香博士

九十餘年歷海桑 一生衛道賦千章 心如皓月清輝滿 人比黃花晚節香  
遠聽雷聲驚魄散 遙聞笛韻倍神傷 詩魂已是西方去 駕鶴歸來嘆渺茫

台北陳慶煌博士令慈仙逝輓詩

百歲光陰荏苒過 春暉難報奈愁何 北堂凋謝憐萱草 東海悲吟賦蓼莪  
喚母聲聲應少 歸魂夜夜夜偏多 德門畢竟無遺憾 魄化神仙赴大羅

秋日感懷

昔日尋蹤蜀道難 至今落寞幾曾安 山光隱隱山林暗 秋雨霏霏秋氣寒  
遠海雁迴常入夢 高樓酒醒獨憑欄 岫雲片片隨風散 別緒還看月色殘

## 其二

不盡光陰逝水流  
十載牽情容易老

幾多舊夢未曾休  
一朝分袂去難留

眼觀渺渺天邊雁  
何堪夜幕低垂後

心似茫茫海上舟  
獨自銜杯莫解愁

## 敬悼蔣夫人宋美齡女史

百載中華奇女傑  
白髮頻添心在漢

爭傳第一蔣夫人  
金甌尙缺淚沾巾

奔馳列國匡時局  
畢生留得功勳著

抗戰勞軍拯庶民  
千古流徽史冊珍

## 任翹詞長贈詩依韻和答

梅花一曲萬民謳  
匡時尙有詩人集

物換星移不可侔  
輔漢還須國士籌

道統何曾沿舊制  
四海歸僑皆嘆息

江山未見展新猷  
紛紛亂象出諸侯

## 冬至感懷

至日難逢遠客蹤  
家住南溟窺冷月

天涯望斷路千重  
情牽北國過寒冬

青山隱隱雲偏繞  
當時共醉桃花節

碧海茫茫霧正濃  
別緒悠悠聽晚鐘

## 四川李正武畫家南遊藝展

李郎挾藝又南來  
樓臺灑墨縑千幅

天遣陽春淑氣催  
風雨留人酒百杯

眼底雲山宜客住  
最憶蜀中遊跡處

毫端花卉爲誰開  
至今引夢獨徘徊

訪時代藝術學院院長陸植華道兄新居

郊居乍訪入斜曛 遠隔塵氛絕俗氛 邀月園中迎雅客 依山樓外看閒雲  
琴音孌孌聲聲婉 籟韻悠悠處處聞 此夕詩吟開好景 頓教花木競騰芬

賦贈鍾正山畫師

卅載論交往復還 摩崖作畫幾回攀 一枝彩筆生靈氣 四面青巒擁正山  
覽物能參天地外 行蹤每寄水雲間 升沉世道尋常見 且看忘機鷗鷺閒

賦贈葉又丹畫家

世外耽吟蔚大觀 更誰遯跡住煙巒 十分秋色霜逾白 一片楓林葉又丹  
灑筆憑君弘畫境 賦詩容我壯波瀾 相逢卻喜知音雅 論藝渾忘月已殘

寄懷深圳毛谷風詩家

雲林遯跡絕塵埃 日對嵐光夜對杯 山勢巍巍山氣繞 谷風蕩蕩谷音迴  
迎春愧乏生花筆 隔海常懷吐鳳才 燕語聲聲催上路 訪君有約踏歌來

甲申清明感賦

清明拜墓上高原 碑碣詩痕繞夢痕 慧業千秋昭日月 慈風一片念椿萱  
長瞻蕩蕩雲山景 難報悠悠雨露恩 二十年前聞憾事 卻憐落葉未歸根

# 春宵有夢到天涯

春宵有夢到天涯 迢遞蕉陽路正賒 八景牽情宜入畫 群賢妙句合籠紗  
 山環舊苑鶯穿柳 月照長潭客泛艤 吾輩但師倉海志 英雄人物亦詩家

## 馬來西亞詩詞研究總會假詩巫市舉行

### 第三十屆全國詩人甲申夏夜雅集

舊夢依依又轉新 重來彷彿是劉晨 牽絲柳拂千條舞 迎客荷開萬朵陳  
 風物宜人情未減 江山笑我首回頻 吾儔相聚還相醉 月下盟心倍覺親

### 檳島之行賦贈鶴山諸君子

橫跨檳江看落暉 喜逢鷗侶笑相依 茫茫海上潛龍起 隱隱雲間逸鳳飛  
 誼重真誠方足貴 句能超絕始爲稀 吾儔浩唱聲何壯 星亦騰輝月更輝

### 春日寄懷

客歲桃花節裏逢 至今無處覓芳蹤 三春夢斷燈光暗 萬頃波連海氣濃  
 寂寂雲霞歸片片 迢迢山水隔重重 那堪空盼音書杳 夕照愁登第幾峰

夏日抒懷

驕陽漸落又斜陽  
攀條尙憶愁中別

陣陣風吹氣轉涼  
縱酒曾因醉後狂

蓮出亭亭如玉影  
舊跡重尋懷舊侶

柳飄片片蕩波光  
賦吟有約再徜徉

蔡鼎新詞長八五初度賦賀

海外懷君白日邊  
放跡真成雲裏鶴

稱觴八五樂陶然  
傾樽恰是酒中仙

鍾王書學今尤勁  
平生著述常憂國

梁孟情深夙已傳  
更比松筠晚節堅

敬悼周慶芳博士

當年楔集興無窮  
大同夙仰尊儒教

客裏相逢意倍融  
博學還憑振國風

萬里遊蹤心愈壯  
忽報文星驚失墮

百齡作賦氣猶雄  
天涯悵望酌詩翁

敬悼彭士麟女史

詩壇才女顯風儀  
翠園遯跡心尤靜

綵筆縱橫第一枝  
皓首窮經道不移

清照詞章原可匹  
三十年前聆誨語

左芬賦句更堪追  
我來弔罷黯沉思

祝賀世界蕉嶺鄉親聯誼會第二屆大會在蕉城召開

大風浩唱氣如虹  
天邊雲過浮沉見

盛會宏開意倍融  
海外人歸慷慨同

山隔千重迴夢寐  
此日盟心何所盼

詩吟八景顯奇雄  
相期共策濟時功

祝賀世界蕉嶺詩書畫人聯誼會在蕉城成立

風雷激盪起蕉陽  
依仁遊藝胸懷暢

壇坫居然動萬方  
擅畫工書翰墨香

李杜詩賡嚴韻律  
卻喜群才今古盛

韓蘇篇續大文章  
矢同日月共爭光

秋風瑟瑟雁南飛

經年別後夢依依  
新愁莫遣情猶綰

蜀道難行會自稀  
舊苑重逢願已違

海氣茫茫雲北度  
獨在萬莊臺上望

秋風瑟瑟雁南飛  
山長水遠入斜暉

創建文化蕉嶺

極目嶺南又嶺東  
自古文章傳遠域

蕉陽秀色碧千叢  
如今筆陣馭長風

星移物換人才盛  
更新八景增詩意

水抱山環氣象雄  
響遍神州譽正隆

台北市教師會館雅集賦呈在座諸君子正和

昔年歸國似歸家  
遙憐島嶼情猶綰

亂象如今萬眾嗟  
仰望旌旗日已斜

海峽迢迢聞鼓角  
但願詩聲能化敵

江山寂寂暗雲霞  
相期一統大中華

高雄市訪黃昭豐詩家

君在遠方迎遠客  
共話世情多感慨

我來高市訪高人  
同嗟國運漸沉淪

佛光朗照雲光美  
書生豈乏匡時策

海氣翻騰秋氣新  
矢挽狂瀾兩岸春

高雄市黃昭豐詩家贈詩奉和

間關南下夕陽天 爲訪黃君續雅緣 攬勝何辭千里路 題詩難滿八行箋  
霜前菊傲矜高節 海外情牽匯大川 五載重逢欣聚首 陶然共醉似神仙

甲申陽春抒懷

一片晴光一色新 四圍花木總依人 放歌天地逍遙客 寄跡湖山自在身  
笑有詩懷參物象 慚無綵筆寫陽春 故鄉初訪知音在 醉飲長潭倍覺親

賦贈香港邢寶莊道長畫師

一別名山十五年 今朝重會倍欣然 洞中灑墨才無量 海外思君夢易牽  
翠苑揮毫增逸興 玄門悟道即神仙 平生愛與青松伴 長揖三清降紫煙

四川別後寄懷諸雅侶

西蜀優遊逸興饒 紛紛雅侶競相邀 萬山雲彩無邊美 四野桃花分外嬌  
杯酒陶情迎皓月 春風送客過藍橋 幾番好夢良宵短 別後離愁豈易消

台北李德超教授登霹靂洞山頂次和

萬莊臺接萬緣亭 絕頂峰高一色青 澹澹嵐光原似畫 重重山勢亦爲屏  
花飛漫逐雲霞影 石笑紛呈物象形 當日迎君題壁處 陶然共讀法華經

台北鄧璧詞長八十述感次和

歲月奔如萬馬駸 高樓作賦屢登臨 傷時每獻匡時策 愛國常懷報國心  
島嶼南遷鄉夢遠 江山北望海雲深 詩人欲住桃源境 兩岸波平便可尋

其二

萬頃波濤萬頃煙 夢迴寶島又經年 遙瞻白日情猶綰 久缺金甌怨未填  
海峽待開新境界 春風漸拂舊山川 憑君放棹悠然去 一水相連一脈連

共研詩道出名篇

翰苑今賢媿昔賢 空靈境是最高巔 無邊景物胸中蘊 不盡湖山夢裡牽  
世道升沉多變化 詩心超逸即神仙 莫教塵俗常相擾 賦筆方能出錦篇

蕉嶺頌

十分靈秀古今存 八景雄奇動九垓 道統千秋山比峻 鄉情萬里勢如奔  
保台夙仰丘逢甲 抗日猶傳謝晉元 武略文才揚海外 蕉陽正氣貫乾坤

海嘯凶災

南亞波濤滾滾來 驚天海嘯變凶災 三千世界嗟塵劫 十萬生靈葬水隈  
田毀何堪家亦毀 風摧可奈雨還摧 深憐列國興悲處 悽絕聲聲動地哀

乙酉迎春

春來草木綠無邊 遠聽雞鳴報曉天 四野聲傳黃鳥唱 一輪日出白雲連  
江山生色憑騷客 湖海爲家作散仙 世局紛爭如可息 今年應是太平年

霹靂洞鎮山亭重建落成喜賦

鎮山亭上碧蔥蘢 四面峰迴秀氣鍾 林下悠悠觀夕照 崖前隱隱聽晨鐘  
禪天每誦仙翁句 佛地常臨墨客蹤 萬丈嵐光多幻化 仿如花雨影重重

註：鎮山亭由開山主持先嚴仙如居士撰聯，其一：鎮守功高尊土地，山涵靈秀證禪天。其二：鎮靜禪林極樂。山清佛日長明。由台北詩書家孫如晨，蔡鼎新先生揮寫。毛谷風詩家撰聯云：鎮邪永保雲林淨。山峻長飄花雨香。

中國國民黨主席連戰先生作大陸和平之旅與  
中共中央總書記胡錦濤先生會談喜賦

五十餘年兩岸分 連君迢遞訪胡君 史開盛事千秋鑑 春到歡聲萬里聞  
蕩蕩江山添異彩 泱泱海峽降清氛 和平本是全民望 統一還憑共策勳

乙酉端午感懷

遠聽汨羅江水號 無窮淚雨挾波濤 乾坤萬古留忠魄 蘭芷千叢入彩毫  
黯讀離騷情更切 滿懷正氣節彌高 詩魂永赫長呼應 弔屈何人是俊豪

全球漢詩總會第九屆廬山國際詩詞研討會謹賦五首

匡廬早已仰崔嵬  
極目名山極壯哉  
峻嶺高攀雲浩蕩  
長江遠眺氣雄恢  
論詩盛會開今古  
攬勝騷人有去來  
此日南歸何限感  
喜看壇坫出群才

其二

千尺飛流遍處聞  
佛光朗朗顯靈氛  
東林寺接西林寺  
南嶺雲連北嶺雲  
錦繡谷中探勝景  
仙人洞外望斜曛  
多情月色松間照  
照澈詩心酒正醺

其三

萬山如笏遠相連  
身在重巒疊嶂邊  
白鹿洞中懷往哲  
黃龍寺裏悟真禪  
尋幽最愛春秋景  
放曠還臨咫尺天  
似此風光疑幻境  
飄然頓覺是神仙

其四

海外歸來慷慨同  
湖山秋色景無窮  
詩聲響徹雲巒壯  
畫境宏開氣勢雄  
九度盟情揚正道  
幾人吐句貫長虹  
豪懷合與登峰頂  
大漢陽峰在眼中

其五

秋聲瑟瑟雁迴翔  
處處雲遊引興長  
客裏流光增夢影  
山中美景似仙鄉  
放吟已見胸懷壯  
撥亂還憑世道匡  
我輩相逢齊奮起  
騷風萬里正飄揚

賦賀台北市長馬英九博士當選中國國民黨主席

彷彿天馬馭長空 勝績輝煌譽更隆 萬眾呼聲欣得主 半生勤政不言功  
相期海峽風雲斂 必見河山氣象融 今日黨綱憑振奮 中興在望仗英雄

雁聲隱隱報秋來

故人消息費疑猜 盼望天涯又幾回 歲序駸駸流水去 雁聲隱隱報秋來  
黃花笑也招青眼 白露飄兮染翠苔 瑟瑟西風催客至 雲山好與醉吟杯

檳城鶴山詩社卅六週年紀念

山自靈兮鶴自鳴 巍巍一社展吟旌 雲光閃處嵐光美 秋氣飄時海氣清  
卅六年間弘道統 八千里外結詩盟 唐音浩唱聲何壯 響遍南瀛又北瀛

敬悼台北春人詩社社長廖從雲教授

文星一夕殞重洋 耗訊傳來倍感傷 愛國誰如心耿耿 匡時孰比氣堂堂  
廿年師友披肝膽 九秩春秋歷海桑 笛韻何堪聞月夜 天涯弔影嘆茫茫

海外歸來憶舊遊

海外歸來憶舊遊 匡廬攬勝意難休 長江滾滾詩潮湧 峻嶺巍巍秋色浮  
煙水亭中懷點將 滕王閣上賦登樓 何時看盡雄奇景 吐句雄奇壯九州

怡保文聯暨山城詩社合辦詩書畫藝耀

中秋假霹靂洞中山文物館舉行

爲愛清輝盛會開 一輪明月照人來 揮毫莫讓鍾王筆 作賦宜超李杜才  
山色溶成秋色美 詩聲化作籟聲迴 洞天此夕憑歌嘯 醉裡神仙笑共陪

敬悼台北馬鶴凌詩翁

瞻韓猶記十年前 讜論匡時動遠天 氣節高凌星斗上 詩聲浩唱海雲邊  
一生惕厲常憂國 兩岸和平奮策鞭 今日忽傳騎鶴去 秋風秋雨正潸然

馬來西亞詩詞研究總會舉行  
第卅一屆全國詩人冬至雅集

一鑑湖光映月光 遠山霧掩看茫茫 身遊海嶽胸懷壯 筆挾風雷氣概揚  
南國迎冬思北國 東堂對酒醉西堂 邦畿待見生輝日 還仗詩人作主張

敬悼台北龔嘉英教授

龔老名揚一代師 耄年澹泊號三宜 赤嵌懷古侔忠烈 絳帳傳經重禮儀  
洞府題詩無限感 天涯弔影不勝悲 畢生研杜誰堪匹 留得清徽百世垂

故園梅蕊冒寒開

躡雲樓外繞蒼松 陣陣寒風豁我胸 炎島雁聲聞幾度 故園梅蕊傲三冬  
橫斜屢伴佳人影 高潔常招雅士蹤 夢裏香浮催逸韻 關山北望萬千重

檳城藝術協會詩詞組卅二週年

組慶次周子善主任原韻

吾儕衛道共昌詩 誼結苔岑總不遲 此夕樽前逢舊識 經年海外會新知  
揮毫曾學雙王筆 覓句還追三李詞 矢振天聲弘韻事 滿腔正氣奮匡時

乙酉三冬旅台感賦並呈席上諸詞長正和

南天歸客興猶濃 三十年來此獨鍾 碧海聞濤聲戚戚 青山罩霧影重重  
何堪愛國成憂國 空盼小龍變巨龍 但願和平連兩岸 中華崛起最高峰

其二

客歲相邀雅士從 今朝再聚更情濃 廿年交誼追前哲 三老登仙憶舊蹤（註）  
隱隱河山寒氣繞 茫茫海峽亂雲封 詩人警句匡時局 響遍天聲透九重

註：馬鶴凌廖從雲龔嘉英三老先後辭世

丙戌新春霹靂洞詩書畫展

又接新年送舊年 無邊景色遍遙天 南洲鶯唱千山響 北國梅開萬里傳  
雞已遁形來義犬 春還引興賦佳篇 相期世局昇平見 仗有詩聲策勵先

廢統感賦

滄桑更迭看鯤臺 豎子當權萬事哀 六載狂風摧葉落 九天蔽日待雲開  
假公策略隨時變 廢統計謀惹禍來 隔岸聲聲聞鼓角 寄言勒馬莫招災

臺北春人詩社詩題：熊貓怨

客歲胡君幾度邀 破冰行旅徹雲霄 但期霧散干戈息 還盼河清日月昭  
國寶尙難棲寶島 政風猶亂起風潮 熊貓本是和平使 兩岸和平可搭橋

大馬詩總卅週年慶展望

又見群才競吐璣 寄情山水總依依 春秋過眼如朝露 江渚盟鷗對夕暉  
世亂紛紛誰衛道 雲移片片我忘機 卅年耽詠弘詩教 大纛高擎任意揮

春風吹遍百花開

春風吹遍百花開 處處鶯聲婉婉催 海外迢迢懷舊侶 山中寂寂醉新醅  
緣慳恨未三生訂 雲鎖難教萬里回 青鳥無蹤音訊杳 天涯望斷獨低徊

奉題台北黃漢英詞長詩書畫集

老年矍鑠氣猶雄 孰比優遊雅士風 鯤島群山收腕底 蕉陽八景入圖中  
濤聲響處胸懷壯 詩境超時眼界空 最是晚晴吟興好 豪情直欲貫長虹

詩巫羅禮耕詞長贈詩次和

遯跡真成世外天 幾逢知己結詩緣 騁懷喜有雲山景 覓句慚無錦繡篇  
杯酒陶情情自美 風光入夢夢常牽 遙瞻隔海星輝處 何日與君醉月圓

詩聲衛道不能移

唐宋千家各騁馳 古今人物競雄奇 茫茫翰海憑飛渡 浩浩天聲仗護持  
勁竹凌霄持大節 寒梅傲雪見高姿 吾儔化俗揚風雅 萬首吟成志不移

賦賀林恭祖社長八十登山自壽

八十登山自壽篇 如公矯健老彌堅 騁懷靜賞千峰影 放跡遨遊萬里天  
境入逍遙真雅士 心能超逸即神仙 平生最愛尋幽勝 蹀躞湖光岫色邊

松風水月滌塵心

世味年來感慨深 塵囂遠隔住幽林 閒觀片片雲霞彩 靜聽悠悠谷壑音  
四面松風吹俗慮 一灣水月照禪心 山中景物長堪戀 猿鶴爲朋伴我吟

## 詩道傳薪播海瀛

澹泊心遊物外情 盟鷗祇愛唱詩聲 隻身遯跡青山住 半世耽經白髮生  
欲待三秋尋夢去 還期四海放歌行 經年賦筆傳薪遠 矢起騷風遍八瀛

## 迢迢歸夢憶蕉陽

兩年睽別故鄉遙 父老催歸又幾朝 八景牽情迴夢寐 群才競賦撼波潮  
長潭喚客濤聲急 遠域懷人海氣迢 他日重來應可待 親朋共醉慰幽寥

## 綠樹陰濃夏日長

家住名山勝水鄉 雲林寄跡避驕陽 黃鸝幾處聲還囀 綠樹千株氣漸涼  
荷蕊飄香香正遠 柳絲牽夢夢偏長 故人相聚依依別 更待秋高越海疆

註：台北王慶康兄來馬小聚，住霹靂洞一宵，翌日依依送別。



# 彌中樓詩稿 第三輯

出版：霹靂洞

馬來西亞霹靂怡保江沙路四支碑

Perak Cave Temple, 4th Mile, Kuala Kangsar Road,  
30010 Ipoh, Perak, Malaysia.

Tel : 05-5465387 Fax : 05-5451451

作者：張英傑

主編：李淑蓮

設計：張韻山

打字印刷：漢軒電腦快印中心

CN Computer DTP Services

No.26, Jalan Masjid, 30300 Ipoh, Perak.

Tel : 05-2410989 Fax : 05-2432854

出版日期：二〇〇六年丙戌八月中旬

